

افتح طريقاً للحلم

د. هشام السلاّموني

افتح طريقك للحلم

د. هشام السلاموني

وزارة الثقافة



وزارة الثقافة



الهيئة العامة لقصور الثقافة

رئيس مجلس الإدارة

د. سيد خطاب

أمين عام النشر

محمد أبوالمجد

مدير عام النشر

إبتهال العسلي

الإشراف الفني

د. خالد سرور

المتابعة والتنفيذ
الحسيني عمران

• افتتح طريق للحلم

د. هشام السلاموني

• تصميم الغلاف، د. خالد سرور

• المراجعة اللغوية، محمود الحلواني

هذه الطبعة 2014م

الهيئة العامة لقصور الثقافة

• رقم الإيداع، ٢٠١٤ / ١٩١٤٥

• الطباعة والتنفيذ،

شركة الأمل للطباعة والنشر

ت 23904096

• حقوق النشر والطباعة محفوظة للهيئة العامة لقصور الثقافة.
• يحظر إعادة النشر أو النسخ أو الاقتباس بأية صورة إلا بإذن
كتابي من الهيئة العامة لقصور الثقافة، أو بالإشارة إلى المصدر.

افتح طريقك للحلم

حدوته بتتكرر!

كان .. يكون .. و آسف إذ سيكون ..
راجل قلبه الميت خلاه مره يخون ..
قام رفعوه .. علّووووووه .. و وقف لنا في البلكون ..
طلعوا النكرات .. كتبوا قصايد شعر كأنه صابون ..
كله رغاوي .. و غاوي .. و ليه في المحلّسه فن تاريخي ..
لأه .. فنون ..
الحريفه .. خدوها وظيفه .. فرعنة الفرعون ..
حب يعينهم .. حطّ حصاوي الملح في عينهم ..
قالوا ده إيه .. بونبون !!
ثم تفرعن .. مصمص جوه .. و ركع بره ..
ودق دماغنا بإيد الهون ..
قالو برافو .. برافو حقيقي .. الله يكون في العون ..
ساق لنا فيها ..
يشوط في العارضه .. وبره العارضه .. و يقولوا جوووووون !!

عمر الزهور !

اللي بيّفهم معني عمر الزهور
يفضل على طول الزمن مقهور
ياشيخ سيد
يا عود بخور انغرس في صدر طبلية
اللحن فاح وانتشر والمغني طاب ليه
ليه البريد الحزين سود خطاب ليه
الموت عدو الطرب .. الموت حقيقي غول
دفن عزيز ما اضطرب .. وردم على الأرغول
كان لسه شيخ العرب .. بالأغنية مشغول
ولما قال " زغلول " .. سقط رطب ليه

درويش في حب الوطن

سيد على مغناه

يا عود حبيبُهُ اندفن

واحنا بنتمناه

سمّعنا نوحك شجن

لم تعزفه يمناه

يا حسرة الجمهور

واللي بيضهم معنى عمر الزهور

يفضل على طول الزمن مقهور

يا شيخ سيد

يا حزن ضم الوتر

ضم الوطن والنيل

جمع حنين البشر

وبناه في لحنه سبيل

يا عطشانين يا شجر

السقا هوّ الدليل

والعود بيقطر نور

واللي بيّفهم معنى عمر الزهور
يفضل على طول الزمن مقهور
يا شيخ سيد

في التخت كان بدري
لا يغيب و لا يبتعد
يا موت وجه بدري
با صرخ واقول لك أعد
بس انت يا قهري
أصم .. لا ترتعد

غدار وانا المغدور
واللي بيّفهم معنى عمر الزهور
يفضل على طول الزمن مقهور
يا شيخ سيد

اللي هوى ما انتهى

ولا هوى فينا
عاش إلى المنتهى
في ثون أمانينا
برته للمنجهه
وبصوت يصحينا

و خربشه في السور
واللي بيضهم معنى عمر الزهور
يفضل على طول الزمن مقهور
يا شيخ سيد

خالد ياريحة الزمان
يا أخضر الدندنه
البحر جاب فنان
سلطان على السلطنه
قلبه الغميق إنسان
و قلبه الابيض غنا

لا سيف ولا مسرور
واللي بيضهم معنى عمر الزهور
يفضل على طول الزمن مقهور
يا شيخ سيد

الأوله أواه
والثانيه أواه
والثالثه أواه
الأوله بيرم ينادي "يا اللي أنطقت الجماد"
والثانيه "أسمرو جيه اللون" غناء حدّاد
والثالثه "يا عود بخور" بتسلطن الأحفاد

الأوله ياليل
والثانيه ياليل
والثالثه ياليل

خالد لأنه أجاد
أجاد.. أجاد يا ليل
وأنا با أقول يا ليل
من حقه طول الليل
أرثيه بلا ميعاد
من غير ميعاد أرثيه
وما دام غناه بيحييه
وتخلده معانيه
وتصغر الأسياذ
أرثيه وأنا مسرور
زي اللي يعرف معنى عمر الزهور
ويعيش على طول الزمن مقهور
على السيد

رمضان ابو هلال

وحوي يا وحوي

إياحه

رمضان ابو هلال

قال : عبد العال

ف رقبتة عيال

لازم تفرح

وحوي يا وحوي

قلت : الأسعار

جاي لها سعار

يا ابو رمضان نار

والنار تلفح

وحوي يا وحوي

قال : اجري أُمّال

هات لك شيال
على كتفه شوال
وبلاش تسرح
وحوي يا وحوي

جبت الشيال
قال البقال :
يارقيق الحال
وسّع مطرح
وحوي يا وحوي

قال الجزار :
كفايانا هزار
بتلاته دولار
جوّه المديح
وحوي يا وحوي

قلت : يا فكهان
شهر الإحسان

قال : الدكان

لازم تبريح

وحوي يا وحوي

الدمع انسال

خدت الشيال

وقعدنا يا خال

نبكي ننوح

وحوح وحوح

إياحه

بنت السلطان

لابسه القفطان

بنت الغلبان

كتفها عريان

جسمها بردان

رجليها عيدان

والبرد أبوناب

عضّ الاكعاب

وجعه بيكوي

وحوي يا وحوح

إياحه

نحنح وحوح

إياحه

بنت أبو فلوس

ف ايديها فانوس

بنت المتعوس

الشمعه تعوص

صوابعها البوص

تحرقها تلوص

تصرخ تندب

تنسى الشبشب

وتجيك تحفي

وحوي يا وحوح

إياحه

نحنح وحوح

إياحه

ينت أبو الریش

ف جیوبها یامیش

بنت "أنا معاییش"

ف جیوبها مافیش

وزمان شیش بیش

نازل تضبیش

ادی لابو الجوخ

ووصل للکوخ

ما رضاش یدی

وحوي یا وحوح

إياحه

نحنح وحوح ف مناحه

تصريحات اللي هي .. في الأيام الرمضانية

(1) تصريح لشخص . لا مؤاخذه . مسئول :

"نهار و ليل يا افنديه

رمضان ح يمشي بحنيّه

جايب معاه للمصريين

من الجمال ثلاثين .. ثلاثين

متحملين م "الجمعيه"

من كل أصناف التموين

سبع .. سبع تموينيه

لكن مافيش نُقل و لا بتاع

اكنم لا مؤاخذه الإشعاع

رحمنام المديونيّه

ادعوا بقى للوطني آمين

(2) تصريح لشخص في لا مؤاخذه. "ماسبيرو" :

"الليل في رمضان زنجيه

غازله الجونله الضوئيه

من المدن أم الأنوار

مشخلعه وع القوره هلال

و مولعه في الساق خلخال

فوانيس بترقص باستمرار

ح تغني وح ترقص معنا

ارسال طويل ح يمتعنا

والفن ده سر الأسرار

أصل احنا من باب الاستعباط

أعلنا حرب على الإحباط

بمسلسلات كوميديه

ادعوا لحزب التسليه

بعد النجاح في "السخره باط"

(3) تصريح لشخص لا يقدر المرحلة التاريخية "الدقيقة" ،
لأنه لم يجد لا مؤاخذه. "دقيق" :

صايم و ألف كما الدبور
أسيب طابور .. أدخل في طابور
خايف مراتي تمرمطني
إذا العيال ما لقيتشي فطور
و كفايه ع الحزب الوطني
إذا الفطار ما ملاش بطني
و حاولت أفكر التزوير
بسرعه أنسى مع الفوازير
و "ألف ليله" تلخيطني
اشوفها طبعاً و ادعيه
ينجح و من غير ما اديله
صوتي ما دام بيصوتني
لكن إذا شفت الأسعار
و مجلس الأنس المختار
بسرعه أفكر الأسعار
اللي جحيمها مشعوطني
و ادعي على الحزب الوطني

..الكحك و سنيته

فتح الله شاف سيرتي بتتباصي
من بق فتحيه لودن نوال
سألني إيه الموضوع ؟ .. أخوكم قال :
موضوع بسيط .. و الخلق مهياصه

يا سيدي كنا في انتظار العيد
دخلت مراتي بمصمصه و تنهيد
سألت سؤال فيه لهجه قرأصه
فيه كحك و لا زي كل ما فات
أردم على السيره و ع الصاجات
حببت أضحكها دي قماصه

قلت : صاجات إيه بس يا حرمي

على قد مفهومي .. و مدى علمي
دا عيد يا روعي ماهوشي رقاصه
قالت : خفيف الدم اسم الله
ورمتني بالحله يا فتح الله
فتحت دماغي تقولش قناصه !

الدم سال .. طرطش حيطان البيت
قالت : ح اجيب الكحك و ادهن زيت
ما اقدس انا و المحيطه متعاصه

طالبت ع المستشفى أتحول
قالت : ح تهرب زي عمبول
أنا ح افضحك للعامه و الخاصه

جم الجيران لما الصوت لعل
فضلت مراتي ترص و تجمع
فاقت نجيب محفوظ كقصاصه
ردت جيران الانفتاح زانهم :

يا حسره يا ختي ، وفتّحوا ودانهم
واتمزجت قوي كل خباصه
ومراتي تضقع كل صوت " قمه "
يدخل اجدع مُعارض مجلس الأمه
يسكت وإيده في البنوك لغواصه

قالولها : يا خايبه يجيك البلا
تاخدي الموظف و الزمن قندله
دا يوم ما يتمطع يجيب مصاصه
خدني الحماس .. قلت : العلاوه أكيد
فقت نساء الانفتاح زغاريد
انهز منها المفاعل عند أنشاصه

قلن : العلاوه لينا وانت حما
قبل العلاوه اترفعت الأسعار
إجوازنا يا با معلمين و خلاصه

آدي الحكايه يا فتح الله، تقول بقى إيه
قوللي انت رابط دماغك بالبتاعه دي ليه؟
سكت وفي ركن عينه دمتين و عماصه

عملوا لي المدعي !!

ما اروحش أنا النيا به

أنا اروح للمدعي

يشتمني شتمتين

بلسانه اللوذعي

يتحفظ ع القرشين

يا فلوسي وترجعي

أنا أصلي المعني

واللي هابشين معي

ما يخلصهمشي حبسي

عملوا لي المدعي

ورقة تحويل يا صاحبي

أبقى اتمسكت جداً

يفتكروا الفار في عبي
والديك ع السطح يذن
تفرح صحف المعارضه
وطهارة اليد ترضى
وانا أرجع موقعي
باقول لك المعى
واللي هابشين معى
ما يخلصهمشي حبسي
عملوا لي المدعي

لكن النيا به ديه
واحفظنا يا حفيظ
فيها سين وجيم عفيه
وقانون فعلاً يغيظ
ح يقولوا الفعل هبش
وانا ح البس الكلبش
وح يسيل مدمعي

مع إني المعسي
واللي هابشين معي
ما يخلصهمشي حبسي
عملوا لي المدعي

أبقى ابن حراميه
لص و مجرم أثيم
وادخل لك كام قضيه
واطلع لك صاغ سليم
يبقى الشريف ح ييأس
عدد النضاف ح ينقص
وانا اعمر مدفعي
با قول لك المعسي
واللي هابشين معي
ما يخلصهمشي حبسي
عملوا لي المدعي

ما يخلصهمشي سجنني
أنا برضه انفع لهم
لما يتحرموا مني
طب مين يدفع لهم
طول ما الرشاوي سالكه
العُصبيجيه مالكه
والشعبُ لا يعي

والشخص في السرايا
سألته سؤال .. سؤال
معاهم أم معايا
مَدَّ ايديه بالسؤال
وقبضها قال معي
باقول لك ألمعي
واللي هابشين معي
ما يخلصهمشي حبسي
عاملين لي المدعي

سعديه طاخ .. طوخ .. قتل سيد تختوخ !!

سينما مصر الانفتاحية .. تقدم :

فيلم مقرر علينا:

سعديه طاخ .. طوخ .. قتل سيد تختوخ

السيما ظلام

وبسرعه انطلقت حزمة ضوء

من خلف الناس الخضه الذوق

والشاشه امتلأت بالألوان

بشفايف حمره .. و باذنجان

ودلع وكلام

....

سعديه النص

بتغازل هذا و ذاك و ذيك

بتزغزغ فرد تخين في بوتيك

و بترقص يومي لحد الديك

ما يقول لها هُس

....

بالصدفه يا ناس

كده بعد ما متعت القاعدين

بهدومها الملط .. و غمز العين

عرفت إن البهوات ظالمين

و بدون إحساس

....

(آن .. آن .. آن .. إيف ..

يا لطيف يا لطيف ..

الفيلم الآن

راح يبقى مخيف ..

فنجل يا خفيف)

....

سعديه يابيه

كبرت في دماغها حكاية التار

قالت : أنا ح اخلع توب العار

و أطلع البيه تختوخ ده عيار

بعد ما أغريه

....

(خد عندك ساعه من الإغراء

و دروس خصوصيه ف فن الحب

و الناس موش طايقه من الإغواء

مع إن يا هوه سعديه بضبّ

....

شبتت في الشاشه هز كتاف

و كلام بالرمش و بالأرداف

و الصاله ملاها زعيق و هتاف

" سعديه الهاف .. تتاكل حاف "

....

واسمع للقول

تختوخ في السهره سكران طين

و معاه سعديه .. بخبث رزين

بتزك شمال .. و تزك يمين

فشر البندول

....

" من ظلمك آاااه "

سعديه قالتها بصوت نحاس

تختوخ بص لها بخوف و احتاس

طخته بعيار .. اندلق الكاس

ع الفحم طفاه

.. :

سي .. لا .. فا .. مي .. دو ..

و بحرکه " اسلو "

....

تختوخ ملبوخ ..

بيدوخ .. بيدوخ ..

نازف يا عين امه كما الضروخ ..

. نشنت يا فالحه يا وارد طوخ ..

أنا لطح .. حقيقي .. وابن .. لطح ..

إن انا

ماقدرش يقول الروح بتسووووخ ..

ع الكتف الأيسر طبّ نافوخ ..

وهبدع الأرض كما الشمروخ ..

كات آخر صوره شافتها عينيه ..

جاياله يا دوب في إزاز مشروخ ..

تحت الفستان .. اتنين بطروخ ..

....

تحيا الثورات

سعديه النص يا مضطهدين

بالنار طخت كل الظالمين

من بكره العدل ح يبقى متين

وتبات ونبات

....

والدنيا أمان

وخرجنا نسقف يا ابو الريش

سعديه النص ان شالله تعيش

وابتسمت هي على الأفيش

واتسندت على شق الفستان

ضلّهُ في هجير الهند !

كأن صوتي انطلق في الكون .. و موش منّي
كأن صوتكم برق في الضلمه طمّني
كأنه صوت الحقيقه .. بس فاه منّي
كأنني قاعد باهلوس .. بس فاهمني

ما اعرفش ليه أنديرا هي الهند !
ما اعرفش ليه الهند أنديرا !
ما اعرفش ليه كنا هنا ع البعد ..
نشوف صورتها نحس بالغيره !

ما اعرفش ليه أنديرا هي الهند !
ما اعرفش ليه الهند أنديرا !
ما اعرفش إلا جدّه بضفيره

فيها الحنان بستان و فيها العند)

علشان نلاقي حل للمسألة
ما تهزناش القسوه والزله
و نغيب نسافر في عيون الهند
نسأل هناك نبض القلوب والزند
عن :

"جده فوق ضهرها جبل الهمالايا
و بيبتسم ثغرها ف الروحه والجايه"
عن :

"جده فوق ضهرها الحمل بالوييه
والفجر من شعرها طقطق مع الشيبه
الهند موش سيبه
الهند فوق نحرها، متضفره ضفيره"

أنديرا .. أنديرا

يا جده بضفيره

يا بسمه كالحيره
يا حيره كالبسمه
يا نهار و لا اسمى
لا بد نسأل كل عين في الهند
و نعيش مع السيره

نعيش مع السيره
في ساري بيرفرف كانه نشيد
عن شبيه تقطر حكمه في التجاعيد

نعيش مع السيره
في قلب أنديرا
اللي بيشبه ع الخريطه الهند
لو تسألوني بعيد عن السياسات
أنا كنت شايفها . هناك . أرملة
حاضنه الضنا من بعد موت الأب

لو تسألوني زعلت م المهزله
أقول كلام قاسي بيقطر حب
أقول كلام يشبه بكا النايات
أنا حزني كله على اليتامى هناك
اللي قضوا ع الحلمه والأشواك
في بقهم بعد الحنان ما مات

سبع سواقي بتنعي والا دي طلقات
والشمس موش ناويه ما تحماشي
ماشي الغزال .. رغم الجراح ماشي
والدم بيطرطش على البنايات

لو تسألوني لما كنت شباب
والنكسه سارقه من عيوني الضي
صورتها ليه كانت في كل كتاب
تشبه أمل أخضر بينبض .. حي ١٩

إزاي راح اشرح ؟ .. كل شرح يطول
أنديرا ما خافتي من الأسطول
اللي معربد في مياه الهند

.....

لو تسألوني والشباب بيزول
أقول صورتها صورة المسئول
والصوره أكبر من محيط الهند

ما اعرفش ليه أنديرا هي الهند
ما اعرفش ليه الهند أنديرا
دا لأنها كات بنت تشبه ولد
في الحكمة نهرو .. في العناد غاندي
دا لأنها في عيوني بنت البلد
محفوره في جدار الزمن عندي
بنت الحضاره في زمان إمعه
فيها الحنان الحلو والمجدعه
كات قاعده متريعه

"والهندع الحلمه و لبن جاري"

كات ماشيه متسريعه

"والهند متعلقه في عقده الساري"

زي الرضيع ما يعرض في الحلمات

أنديرا صبحت حلمه متقطعه

يا كل ركن هناك من الأربعة

احضرو لا تردمش ع السيره

احضر عشان الحلمه تتاوى

بعد الدموع الأرض تتساوى

عشان تشق الأرض أنديرا

و تبان لنا أشجارها متفرعه

"والضله بترطب هجير الهند"

رباعيات لصالح جاهين عدد أيام الأسبوع الحزين

الثلاثاء :

الموت على الأحياء كتاب موقوت
شمشون يموت و كذلك الكتكوت
رضينا بالموت اللي جاي في الختام
لكن ح نقبل كل لحظه نموت
مش معقول !

الأربعاء :

يا عم يا فرحان بتفرح ليه ؟
مما جرى .. أم ما وصلنا إليه ؟
متراجعين للأمام متقدمين للخلف

فينك يا موت؟ قرب يا ابن الإيه

مش معقول !!

الخميس :

أقول لكم فزوره.. فزوره!!

مطلوب أغنى و نفسي مقهوره

مطلوب أهاها و التلات وجبات

مُرّ و مراره وعشوه ممروره

مش معقول !!

الجمعة :

عملت بلياتشو و دهنت الوش

و قلت أزقزق زي طير في العش

برضه قتلني الحزن يا أصحاب

علشان بيّفهم في أمور الغش

مش معقول !!

السبت :

آخد منوم من أذى الصحيان

و اعمل مغمض .. تفرح الأحزان

و تخش على قلبي في هيئة حلم

و تقول مسكتك برضه يا هريان

مش معقول !!

الأحد :

حزين عليك يا كل حلم جميل

عشتني في ديكور و دور تمثيل

صحينا فجأه .. لقينا نفسيينا

واقفين بنشحت تحت بيت البخيل

مش معقول !!

الاثنين :

أنا اللي قلت بجد موش تريقه

الطير ما هوش مجبر على الزقزقه

لقيتني مجبر أبتسم في صيوان

جدلت حالاً حبل المشنقه

دا المعقول

بـيرم ..

اسكندريه قايمه بالزينه
الموج بيجري في شوارعها ..
الموج يببرق ضحكُه في عنينا
الرمل قال للودع .ع الشط. : سامعها ؟ ..

اسكندريه قايمه في المواعيد ..
الموج بيدخل بحرها ويعود ..
أخضر كانه الشجر ..
نابض كانه الوتر ..
مسموع كانه العود ..
فرحان بطفلك يا بلد يا ولود ..
في الصحه بيقيدُه في دفتر المواليد ..
" محمود "

"الموجه مُهر سعيد

لأبسه جديد في جديد"

الضحكه مترغرغه فرحه ف شفايفها

الرمل قال للودع .ع الشط . شايضا ١٩

حاضن هديرها دفتر المواليد ..

و جموحها متفتت غُنا و زغاريد ١١ ..

"ضاع الزيد واللي انتفعنا به

طربوش ذهب ضاحك على نابه

بندق على بابه

بيرم بيخرج لنا صااح على الأرغول

نجلس .. يقول ..

وبنرتوي واحنا بأعتابه

قبل الدخول ..

....

بعد الدخول ..

بيرم بيسقي الجميع من عمره و شبابه

"الأوله بالآه

الثانيه أواه

الثالثه لولاه"

الأوله بالآآآآآآآآآآ

وبيرم ع الورق باكي ..

وكان عيوننا ..

وكان في الصُلب شباكي ..

"بيرم يقول الأوله بالآه

ما احلي الكلام .. ما احلاه

لما يكون جرحك

ويضطّك بمداه

لما يكون بُكره

وتصدّقه ف رؤياه .."

بيرم يقول الأوله بالآآآ

أول ما نبدي القول .. ياسين بن البلد .. مقتول ..
السجن عالي .. وعالي "الجاضي" والسياف
الحكم خان الجدع .. حتى في الاستئناف
بهية تبكي ياسين .. يشفق جميع من شاف
في العين دموعها .. إنما فيه "عجول"
عجول تحب المال عرق غلبان
لجلن تطوله تدوس على الإنسان
عجول ودائسه العُشب زي الريح
عجول و سارحه وسط شعب كسيح
تقول : " بهية نتايه .. عايزه فحل صحيح "
تقول : " بهية دي مُهره .. يا هنا الراكب
ما احلاها لما اللطم يابا يزيح
الطرحه .. تلقى شعرها بيسيح
الوش زي القمر .. والشعر ليل ساكب
ساكن سواده في نتي العين والحاجب
والرمش فعله في القلوب تبريح
... .. الحزن شيء عاجب !!!

بهيه تبكي ياسين .. و تقوم ضفايرها
تنعي مصيرها و فرعها اللي مال
العجل جوه السرايا للبرايا قال :
محلاها لما اتمرجحت في الندب
النهدي قب .. و طب
النهدي هب .. و لب
جبار كانه " و ابور " .. طحان .. ايفيت طحان
ناهج كانه عجين بتقرصه النسوان
خمران
و انا خمران
شالح هدومي .. و جاري ع الطريق رهوان

" فيه ناس بتشبع من مصايب ناس
و ناس بتنحل لجل تتخن ناس
و ناس ما بينهم للقوي حراس "

بيرم يقول الأوله با لاآآه

"أنا لساني يدوق في القول ما يتمناه

بهيه وسط النهابين صارخه

بهيه صارخه وسط خلق عجول

قلبي مع الصرخه

شعري مع المقتول

لازم أقول

يا خلق يا دايله

النيل بدم القتل يا اهل البلد مبلول"

أنا بيرم التونسي اختياري الشعب ..

أنا بيرم التونسي على لساني

وف سن قلبي .. وفي الجورنال .. وفي ديواني ..

ينطق .. ويصرخ .. ويتمنى .. وينول الشعب

بيرم وقال الأوله بالآه

شعري يقول الثانيه أواه

بيرم أمامي و دامي القلب باتملاه ..

با تَمَلّا فعل العجول ..

با تَمَلّا إثم الجناه

"التانيه أواه و بيرم باكي في المنفى

و المنفى فين ؟

كل الطريق رجفه

كل الخُطى واجفه

كل الخُطى واقفه

فينه الوطن يا ولد ؟

و المنفى يا با فين ؟"

يا مصري .. يا تونسي .. و يا موليير ..

الخطوه طاواعت في النيران السير

الخطوه عشقت في النيران العدو ..

دي حنجره غاويه عذاب الشدو ..

تقول يا ليل .. و تقول يا عين

فينه الوطن يا ولد .. و المنفى يا با فين ؟

"لما غراب البين
يفرد جناح الشطط
الأرض تطرح غلط
والمنفى ملو العين"

فينه الوطن يا ولد
والمنفى يابا فين

مطرح ما يمشي النَّفَر
يلقى جواده نَفَر
والعرق طقَّ و نَفَر
زى الدموع في العين

فينه الوطن يا ولد
والمنفى يابا فين

ما اقدرش اصاحبكم

نَجَّار دَوَالِيْبِكُمْ
مَطْرُود بِلَا مَأْوَى

مَا اقْدَرَش اَغَا زَلِكُمْ
أَقْطَان مَغَا زَلِكُمْ
دَاعِيْهِ عَلَى الْأَقْوَى
..

وَأَمَّا غَرَاب الْبَيْنِ
يَفْرُد جَنَاح الشَّطَطِ
الْأَرْض تَطْرَح غُلَطِ
وَالْمَنْفَى مَلَو الْعَيْنِ

فِيْنِهِ الْوَطْنِ يَا وَلَدِ
وَالْمَنْفَى يَا بَا فِينِ
الْمَنْفَى هُوَ الْوَطْنِ
وَاحِنَا بِنَسْأَل فِينِ ١٩

الأوله بالآآه

التانيه أواه ..

الثالثه لولاه

الشعب قال : لولاه

لولاه عمود الشعر ما كانشي يُصلب بيت

قويت و صوتي علي .. لما في ضلّه أويت

وقال كلامي .. و بلسانه أنا غنيت

بيرم قوي في الحق

بيرم شديد في الـ " لا "

وقبل منه الكلام .. كان أجده " يا ريت "

لما عرابي انهزم .. هاجوا الأفنديه

فلاح غبي أهوج .. خلى الوطن ينداس

زقطط يا خنفس بيه و لعب بقى بي

ارفع طرابيشهم و دوس على لبدّه و طاقيه

و لهم كلهم في دعوه وطنيه

وافرد جناح الخديوي المعتدل عباس ١١١١١
" الفلاحين في البلد غنت عزيز عيني
فلاح بلدنا يقول (وديني على بلدي)
اتعشوا بّي وعرابي راد يغديني
داسوا كلامه و داس الغير على بلدي "

يا اسكندريه هاتي للسيد ..
شاعر يقول الحق و يصونه
درويش و شعره على الأشعارح يتسيد ..
مش بالحلاوه .. لأ .. بمضمونه
شعره نزيه الشعب و عيونه
.....

" و كان بيرم طلب ناسي
وتر يعزف يا حساسي
حنين ع البلد .. قاسي
وفي الاثنين مراده الحق
....

وكان في الحارة زماره
تلمّ الكل بقداره
وكان ع المعتدي غاره
مدافعه هي صوت الحق
....

وكان مصري كما الأهرام
وكان خطوه تسير قدام
أمير الشعر والخدام
و منفي لما قال الحق
....

ينادي النيل في باريهم
تنادي ناسنا فارسهم
يا بيرم يا اللي فارسهم
تعود ليينا يا نبض الحق

وكان بيرم ف وسط المعمه رايه
وكان طربوش .. تقول لبده ا

وكان بين اللبن زبده ا

وعاشق مصر للغايه

وكان محمود

وكان بيرم

وكان مصري

وكان تونسي

وكان أنسي

وبقى حكايه

"الغن موش برمجي

والحبر في دوايه

الغن دا أجزجي

أنا فني في دوايا

وكلمتي مرايا

تعكس عيوبنا

وتغسل توبنا للمواعيد"

الموج فضل في المعمه هدار

لواء بيتنقل في جيش جرار
من يوم كتابته في دفتر المواليـد
"شباك لبكره ..
مفتاح وأكره ..
ما يقولش أجره
يقول لك بكره دا آيه
ياللي انت ماشيه لورا و منكسّه الرايه
امتى الزمان يتعدل و تسيري بالمندار ؟
.....

"فنان وعاشق مصر للغايه .."

"و كان بيرم .. و اهو لسه .. أمير الشعر و الشعراء
بصوته الحلو .. و اللهجه .. و بالمضمون
و عاش بيرم لدلوقتي برغم الغل و الأهواء
و بكره في البلد عايش .. و مهما يكون
يعيش بيرم

يعيش بيرم

يعيش بيرم"

يعيش بيرم

عشان الشعب موش بيموت

عشان شعره ماهوش هلفوت

يزغزغ حضرتك في صالون

و تتلقاه طبق مزه

جمال الشعر في الغزه

وفي الهزه .. ف صفوف الشعب

انت الحبيبـه ..

أحب نور القمر بالليل وانا سهران
واحب ورد الحنان في جنة الأحضان
واحب معنى الدموع لو يشتكي إنسان
واحب لسع اللهب لو كان في ساعة حب
لكنك انت الحبيبـه .. يا مربيه الأزمان

يا مصر يا أم الزمن
كان الزمن عصفور
مشتاق يلاقي فنن
يهدا عليه ويشور
يفتل حبال النور
يقتل ظلام ديجور
....

كنت الفنن واحتضن

عصفور زمن مذعور
وبنيّتي عشّه حنان

و كنت بطن و رحم
للضي يتخلّق
لما الزمان التحم بك
انتشى و ورق

لون السما اترق
والشمس بتحلّق
الضي فيها ازدحم
لما المسار شرق
....

الضي صار له كيان

ما حد راح ولا جاش
بكره الزمن ح يعود
شايف فؤادك جاش
بالفرحه للموعد

كان الزمان مضرود

بكره يعود مولود

....

الحضن ما بيخلاش

والرضعه للموجود

ابن الشقا العرقان

موجود في حضنك أنا

أخضر وفي حنين

وقلبي الأبيض سنا

بيعاير الياسمين

كتفي اللي شال ما انحنى

والكف فرع متين

....

الليل ح يولد هنا

والفجر يحيي الحزين

أما يؤون الأوان

لن لا يهمه الأمر...

شايلى جراحي تحت باطلى ..

باسير ..

الدمع زى الفؤاد ما بين ضلوعى أسير ..

أنا كل جرح ف قلبى جرح غويط ..

غويط .. غويط ..

و بتسكنه الوطاويط ..

واللى واهبها الشكل واللون والصويت ..

عجزك وإحباطى ..

.....

بصراحه شايفك زى ما انت بصحيح ..

لا عمر وشك كان فى عينى مليح ..

ولا شفت فى قولك وأفعالك ..

خير إيد كاسيها الدم دافعه لك ..

تمن خسيس لكل فعل قبيح
بيدوس رقابنا و للقوي يطاطي ..

.....

لما وقفت ف مرايتي تسرح المصبوغ ..
شفت ارتباكك .. و بان لي جلدك المدبوغ ..
لما انشلع كمك و صوفه الهلد ..
ظهر لي لون زي البرص في الجلد
عرفت ليه ضي الأمل بيزوغ ..
والميه ليه مش رايعه في الواطي ..

.....

عرفت ليه يا ابو بدله ظباطي

من الشباك

أنا شايف من الشباك
غزال نعلان في أحضانك
ذهب مبدور في شطآنك
وشايف في القلوب أشواك
من الشباك

و من صغري عشقت أغوص
في بير السر والحيثه
ألملم الحقيقه فصوص
عشان ترياقك المنصوص
عليه في قمقم السيره
ويا ما عزع الإدراك
من الشباك

و شباكي ما هوش في جدار
أنا شباكي نضاره
بتصحب قلبي في الأسفار
ما بين شارع وبين حاره
وشايل قلبي سَحَّارَه
ومرايه لسحرك الفتاك
من الشباك

يا عايقه في توب من الأمجاد
يا سايقه حناتك الماضي
أنا وبقية الأولاد
عطاشي خير .. جواعي وداد
بنشكي يسكت القاضي
ونغضب تترمي لنا شباك
من الشباك

تعالى يا أمّ وشم أخضر
وف ايديكي الأمل والقوت
تعالى كل خير يحضر
ولا يقدر خطر موقوت
يلوّعنا بلا معنى
يهدم في عنيكي بيوت
زمان سكنتها أوجاعنا
تعالى بفجرك اللي هناك
مخايلنا
من الشباك

أنا شايف من الشباك
غزال نعلان في أحضانك
ذهب مبدور في شطآنك
وشايف في القلوب أشواك
من الشباك
.. من الشباك

العولمة ..

العولمة .. وشوف يا ابوهممه
كلمه مجعلصه ومهممه
أولها "عُو" .. وآخرها "لّه"
"العُو سام" بقى "عُو" لما
ضربَ العراقَ وأراقَ دَمَه
جائز تقولها : أراك دَمَه
وأكيد تاكلها وتتنخض : يا أمّا !!
تقع في عرض "الذي يُبِيد"
بسرعه تدخل نظام جديد
هوه الكومنده وانت السعيد
لودقت فتضوته م الهلومه
وعشان تدوقها يدك بنفسه
واللي يفكر في يوم ينافسَه

"الجات : بسرعه تقوم برفسه
وتقول له : ارجع يا واد يا رمة
أولها "عَو" وآخرها "له"
أولها عَو .. و يلخبطوك
ثانيها له .. و يربطوك
وبالحضاره يظبطوك
الظلم يصبح أشرف مهمه
وكل "أبعد" يتشد "تور"
تتغمى عينه بـ "الجلف وار"
ويدور في ساقية "الميتادور"
بعيد عن الميه .. كل دور
يحلم ح يشرب و يستحمى

امتی الزمان !!

امتی الزمان یا امّہ یروّق
وتعودي یا عجوزه صبيه
راضيه علينا و مرضيه
و مرحرحه اللحم الفتان
من بعد كنس الأرضيه
على الحصير أبو ورد جنان
ما بين مآذن أثريه
الخد ورد موهوج نار
والشعر ليل مليان أسرار
مسببياه على ضي نهار
ليل اترخي على صبحيه
امتی الزمان یسمح یا امّہ
وتعودي یا عجوزه صبيه

إزاي قبلتي جواز باطل

م اللي بيوعد و يماطل

و يفرّحه الدمع الهاطل

من العيون العسلية

عشر سنين بنى فيهم سور

وعشره كان عبد المأمور

والتالته يا ام حزام مضافور

جايه عساكر الدوريه

تقف على بابك زنهار

وف بطنها لحم اخواتك

و ألف ليله ما بينها نهار

تضيف جديد في أزماتك

قال موش كفايه التبعية

وانا باسألك واحنا ف أزمه

عن عمر عدّي ما لوش لزمه

لا جال في خاطر ولا نيه
لا متى ساكتين عباقيرك
تاركين لأعدائنا مصيرك
واللي بيكتهم مناخيرك
بيعد خطه جبريه

تسيب ملفات الغوله
على الجنائيات مقفوله
واللي فقس منا الفوله
يخشى الخلافه الوراثيه

جايه الخلافه الوراثيه
عشان تسلم مفاتيحك
آدي عمايل مفاضيحك
وساكته يا امه يا عفيه
والبطن خضرا كالعهاده
قومي اولدي الواقفين للحق

اللي يزقوا الظالمين زق
وان قالوا : رافضين المبدأ
قولي : على مين يا سادة
البيير قصادي و آدي غطاه
طول عمر " أيوه " ف بقك " لأ "
طول عمر " لأه " ف بقك " آه "

الوقت .. وقت النديم ..

يا عمنا يا نديم يا عظيم
مصوراتي أنا بمليم
بيجري في سيرتك و يهيم
نفسى آخذ لك بوظ جبار

أصورك بقى " أدباتي "
عمال يبارز بالأشعار
ويقول لنا : جاب اليسرى
ويقول لهم : جاي الإعصار ؟
والا خطيب جامد جداً
متشال على اكتاف الثوار
ماسك في إيده هلال و صليب
وقفل باب عالي بينهار ؟

والا و معاك ألوفات .. ألوفات

ضد الشراكسه والاستعمار

متطوعين في الجيش عسكر

متدربين على ضرب النار

ناديت عليهم في قراهم

لبوا النداء ف كفر الدوار ؟

أصورك صحفي "أستاذ"

مالي الجرايد نار و خضار ؟

والا ألقطك "خوجه" و "ناظر"

و كل تلاميذك شطار

بيقولوا إن الدين لله

أما الوطن .. ملك الأحرار ؟

والا مؤلف والمسرح

في إيديك كما السيف البتار ؟

والا و من باب "التنكيت"

اللي ماهوش . لا مؤاخذه . هزار

أُصورك كده مُتَنَكَّر
من بعد ما رفضت الإنكار
هريان في وسط المصريين
وعسكر الساكسون محتار
إزاي بقى الناس الـ "فري بور"
اللي أملهم "زر خيار"
رافضين مكافأه ألف جنيهه
(دلوقت تسوى كام مليار)
بس انت عند الناس أغلى
ومخبئينك في الدوار
ومحوظينك في الشارع
والدنيا ليل .. والدنيا نهار
وانت بترمي "خطاب عاجل"
موضحاً آخر الأخبار
وتقول له : سافر لجزييره
فيها الضياء منفي بـ "قرار"
لأيا مثقفنا الشوري

ويا دليل كل الشوار
حاصورك مليون صوره
عدد مواقفك والأفكار
الوش مهموم .. والعمه
جواها موج هدار .. هدار
جواها بحر ما لوش آخر
واهدي الصور لأساتذته كبار
بيكتبوا مقالات جعاليص
و ميت بيان للاستنكار
والشعب حيران يعمل إيه
وهما رافعين ألف شعار
والفاسدين ناتفين ريشنا
وأمریکا حامياهم زنهار
تضغط عليهم بالإصلاح
لصالح الشعب المختار
فيركعوا واحنا ينوبنا
في البيعه "سياسات الإفكار"

والقدس بتضيق من إيدنا
والشهداء السير الجرار
وأدي العراق نازف دمه
بيملا جيب "البترودولار"

احترت أنا بس الكاميرا
عماله تجري بالمشوار
ح تصورك في ميدان عابدين
انت و عرابي منفعلين
والشعب واقف والأنفار
أما الخديوي .. زي الفار

ثورة مصر ..

بنغني لمصر الثورة
و نغني لثورة مصر
أبطال السنين الغبرا
الخضره في هجير الصحرا
بيواجهوا ايدين الفجره
وبيحيوا الأمل في النصر
بنغني لمصر الثورة
و نغني لثورة مصر

محمودنا يا نور الدين
يا بشاير نسيم حطين
يا أغلى ولاد الأرض
ح نصلي وراك الفرض

الطلقه اللي تحمي العرض
بتنور عيون الحره
بنغني لثورة مصر
ونغني لصر الثوره

يا أغلى الضنا والولد
يا مصر اللي واشمه الجلد
يا رفاقه يا عود الفل
أشرفنا اللي يأبى الذل
أعظمنا اللي يفدي الكل
وينور في يافا القمره
بنغني لثورة مصر
ونغني لصر الثوره

وان قالوا وقالوا وقالوا
محمود البطل ورجائه
الزهره اللي في البستان

و لمونه ف بلد قرفان
إخوات الشهيد سليمان
و الشهداء اللي فاقوا الحصر
بنغني لمصر الثورة
و نغني لثورة مصر
أبطال السنين الغبرا
الخضرة ف هجير الصحرا
بيواجهوا ايدين الفجرة
و بيحيوا الأمل في النصر

البلد دي ..

البلد دي حق مين
حق كل العرقانيين
اللي شريان قلبه نازف
بالعرق عالفدادين
واللي ع السقاله واقف
واللي في المصنع أمين
والموظف اللي شايف
ربنا في الدواوين
واللي فوق حدودنا زاحف
نار في وش الطامعين
واللي فنان بس عارف
التزامه للحنين
واللي بيسطرو واقف

قلمه للحق المبين
واللي في كل المواقف
بالمبادئ يستعين

ده جواب المخلصين
عن سؤال عمره السنين
البلدي حق مين

يا بهيه ونبهينا
صحي كل الغفلانين
اللي دم الناس قروشهم
والأنين رعشة كروشهم
مستحيل ح قدوم عروشهم
طافيه ع الدمع الحزين
اللي واخدين كله كوسه
واللي خلوا الدخول حوسه
حيره وسع الدكاكين

ياما عاشوا مَرَحَرَحِين

يوم عقابهم راح لَحِين

يا بهيه احنا لينا

في البلد دي مؤيدِين

تعرف لو تسألِيهم

البلد دي حق مين

يشترونا اشتريهم

واولدي الحب الجنين

غَنَى فينا أجمعِين

السنه دي تبقى أحلى

لما تبقى سوده كاحله

ع اللصوص والهبّاشِين

السنه دي تبقى رحمه
لما تبقى سوده فحمه
ع الفجر و الشفاطين

لو يغيبوا يا بهيه
تطرح البذره العفيه
في بلد أحوالها طين

يا بهيه يا حزينه
قومي فينا
قومي بينا
اسألهم .. اسألينا
البلد دي حق مين
فهميهم .. علميهم
فهمينا
نطقينا
انها للعرقانين

أغنية الشمس في السادس من أكتوبر ..

في السادس من أكتوبر
في العاشر من رمضان
زي الفرعوني الأسمر
ما اتكلم في الجدران
الشمس بينحاز ميلها
للمجد تشيل أزميلها
وبتنقش ويا زميلها
المصري عظيم الشأن
في مسلات الأزمان
سيرة مجد الإنسان
في السادس من أكتوبر
في العاشر من رمضان

في السادس من أكتوبر
في العاشر من رمضان
والساعة اتنين الظهر
با تنفس ريح القهر
شمس و خجلانة أبان
والمح على طول الشط
أولادنا في أول خط
طالعين و الطعم أذان

الرمل يقول ح نحارب
والميه بتحضن قارب
والشط الثاني مقارب
متبسم بالأحضان

في السادس من أكتوبر
في العاشر من رمضان
في السادس من أكتوبر
في العاشر من رمضان

ألمع من فرط الشوق
أفرح واتبسّم ضوء
وانا فآيته سما الأكوان
لولا دي أطوف في سمائهم
وأزغل عين أعدائهم
وافتح للخطوه ببيان
وشعاعي بيطرح ايد
ويضمّ لقلبي شهيد
دمه السائل أناشيد
حريه واطمئنان
في السادس من أكتوبر
في العاشر من رمضان

في السادس من أكتوبر
في العاشر من رمضان
أتهادى بنشوه وخفه
ع المعبر فوق الضفه

واعبرُوا يَا الشجعان
لنهار ما يعدي نهاره
ولا يدبل نور أنهاره
النور روح البنيان
والمغرب يجي وأنا طالعه
أَمَلًا من النيل الزلعه
وَأَذَنُ فوق صرح القلعه
موشح أغرب بعد الآن
في السادس من أكتوبر
في العاشر من رمضان

في السادس من أكتوبر
في العاشر من رمضان
الشمس بينحاز ميلها
للمجد تشيل أزميلها
وبتنقش ويا زميلها
المصري عظيم الشأن

في مسلات الأزمان
صورة مجد الإنسان
في السادس من أكتوبر
في العاشر من رمضان

مختار

مين اللي قال إن الحجر أخرس عويل
مين اللي قال إنه أصم كمان
لما الحجر يسمع غنا الأزميل
بيردد المعنى بألف لسان
يصبح يزقزق في الندى نشوان
و يبات يليل للقمر مواويل

مين اللي قال إن الحجر أخرس .. أصم .. عويل ١٩
عندي دليل يقدر على البهتان ..
دليل .. دليل ١١
عمره بعمر الزمن ..
(دليل حبا ع الأرض ويا النيل)
ولأنه كان مشتاق لحضن الوطن ..
وللجناح ضليلة الزغائيل ..
ساب الحبا وانفرد ..

بشموخ و صبر و جلد ..

ورفع ذرى العمران ..

دليل .. دليل ..

موش من قديم الزمان ..

وقف الحجرع الضفتين عنوان ..

في الشرق يبني معايش الإنسان ..

في الغرب يبكي وينسقي المنديل ..

آدي الدليل

وقف الحجر في الشرق بالأزميل ..

يفرد بساط الضله .. يخلق مكان ..

يحضن فراغ للقله في الجدران ..

و فصيح بيتكلم بنقش جميل ..

يحكي اللي كان بالحرف والألوان ..

موش ده دليل ؟

و كمان ..

وقف الحجر في الغرب بالأحزان ..

يبكي الفراق و ينكس البروفيل ..

و ينادي : يا أوزوريس يا رب الميزان ..
خليك رحيم ع السائرين نحوك ..
و مودعين الشرق في الأكفان :
" أنا ما أذيتش الجار
و لا فات عليّ نهار ..
إلا و فردت خضار ..
ضله على حرّان .. "
موش ده دليل ١٩

لو كنا عارفين الحجر أخرس ..
لو كنا فاكرينه أصم كمان ..
لا كنا خشنا حجر أملس ..
و لا قلنا إن الحيطه ليها ودان ..

و أما الدليل يحتار ..
يهدينا أزميل كان زميل في الكار ..
أزميل قتيل .. بزيت ثقيل ..
بالليل بيثحت ورد في الأشعار ..
و الصبح بيغنيها في التماثيل ..

اسم الدليل .. مختار ..

شقي من الضلمه طريق أخضر ..
قومي انهضي يا سليله الفراعين ..
وزوقي الجامعه اللي في المنظر ..
حاضنه أمل بكره بنات وبنين ..
" يا عظيمه .. يا فلاحه .. يا أم الخير ..
يا شابه فوق راس الخطر و الهول ..
على طرحتك تهدا خطاوي الطير ..
مختار غازلها من الحجرع النول ..
النيل بيجري و عمره ما فرهد ..
و آدي الحجر صارخ بيستنهض ..
حواليه السحاب بيرتل التراتيل .
مين اللي قال إن الحجر أخرس .. أصم .. عويل ؟

أنا شفت يا مختار من الأحفاد ..

أولاد ..

بيتلاغوا مع التماثيل ..

شفايفهم الشهد .. الحلال .. قايله :

"استنهضينا ضيَّ القناديل ..
واسقينا يا فلاحه يا مايله ..
بالفرع تملّي زلعتك م النيل ..
واحمينّا يا فارس يا شيخ البلد ..
أما الولد ..

ينشد لنا مواويل

و سمعت نبضك نقش بالأزميل ..
بيقول بصوت الخط لما يسيل ..

والكتله لما تنفرد وتشيل ..
"زي الولد أنا فني في الإنشاد ..
ما يموتش فنان البلد إن شاد ..
للفن صرح .. و للمعاني سبيل .."

معقوله ١١

بقى موش غريبه في السنين السوده
الحلم يتجسد كده في الأوده ١١٩
لأ .. وانا قاعد بانقباضه في صدري
لا منتمي .. لا ملتزم .. لا أدري ..
والاقيني أخضر من جزيرة الروضه
والنيل بيحذف لي خصوبه وري
ويولد العطش البرئ .. والضئ ١١
ويقول لي : أحلامك يا عم بعوده
معقوله لسنه في قلبي بحر وشمس
وورده عودها ما انحناش لليأس
وعروق حضاره بنبضها مفروده ١١
أنا موش مصدق عيني م الفرحة
صاحيه الجدور .. وآدي الفروع طارحه

و البحر سكر ميتة المالحه
و قادر أمشي و الطرق مسدوده

الحلم لما غزائي كنت انا خايف
إكمنه كان مفروود ما بين سقف السما و الأرض
كان طول بعرض

و قال بصوت سندسي زي النسيم هافف :

خدها ركيزه للحياه و أساس
النيل أبو الفرعون و ابن الناس
النيل أبو الفرعون و ابن الناس ١١٩ ..
رد بحماس :

لولا احتياج الناس ما كان فرعون
دي فلسفه لما عرفها الكون
قام الفرخ و اتزوق البلكون
و الريق جري زي العسل ع الشفايف
الصقر حورس بنى ف تاج الملك عشه
و فرد جناحه و بالميزان انتفض

حضر على الكفتين و الضفتين نقشه
" النيل أبو الفرعون وابن الناس "

العرش هامه انخفض
والعدل أصبح أساس
والسعي أثمر نجاحنا ، و فلاحنا فصيح
أدي الكلام الصحيح
قال إيه و انا قاعد في أودتي كسيح
قاعد و موش عارف لي ديل من راس

لكن حقيقي النيل دا ابن الناس ؟
في الأوده كنت با قلب الموضوع
النيل دا إيه لولا العطش والجوع
و فلاحين عرقانه جيل ورا جيل
و نجارين شقوا الهوا بقلوع
و دموع إيزيس بتفيض من المنديل
لما صبح حبل الأمان مقطوع
النيل ساعتها اترسم فوق الخرايط نيل

بالدمع لما ساح في الصحرا شق السبيل
والدم لما سال و " ست " أصبح ذليل
زاد الخضار و اتنفست أحجار
قامت حضاره و بقت للإنسانيه منار
والعدل قام والغلابه أصبحوا حراس
شايلىن في ايد ريشة " ماعت "
والتانيه فيها الفاس
يبقى حقيقي النيل دا ابن الناس
قال إيه و انا قاعد كئيب محتاس
الحلم لما غمرني برعشته و ضياه
فتحت باب أودتي و خرجت معاه
خرجت زي الوليد بوأواه و صريخ
ما تصدقوش اللي انكتب في التاريخ
الغرب لما حكا حكهولنا بالمقلوب
اقرؤا اللي كان بعيون جديده و قلوب
و نقوا في الغله مين غالب و مين المغلوب

و مین ایدیہ عجنت و ضربت طوب
الظلم شفاء ما شفاش الحضاره معاه
لا بد إن الحضاره و العداله اخوات
شفنا الفساد قطع جسد أوزيريس
لخفن شبكنا و كسر الفوانيس
رجعنا ممالك ديا به و شعب م المناحيس
و اتفرعن الفرعون على عرشه
قومي اسألينا و اجمعى يا إيزيس
أشلاء أملنا و نامى فى فرشه
شعبك هدايه .. و دايه .. و الكورس ..
و نفسه يوم إذا اتجمع يكون حورس
العادل المنتقم .. الهادي .. و النبراس
الشط بان .. حتى اسألوا النورس
و دوقوا طعم المطر داي فى عيد الغطاس
دوقوا طعم المطر سكر فى عيد الغطاس
معقوله يحصل فى السنين السوده
الحلم يتجسد كده فى الأوده

معقوله جداً ، هو حلم بيان
إلا في عتمه زي حالنا الآن ١٩
آن الأوان
آن الأوان
الحلم متجسد أمام الجميع
و طريقه متحدد و زي الربيع
بيطرح الخضره في جزيرة الروضه

غنوة صهيونية

السلام الأمريكي
أحلى حاجة في الوجود
للسلام غنوا الأغاني
والوحوش على الحدود
إحنا موش عايزين سلام
أهو طق حنك .. كلام
وانت تفرق في الوعود
السلام الأمريكي
أحلى حاجة في الوجود

بالسلام الوحش ينمو .. يتغذى
واحنا نعمل إننا موش مبسوطين
نبلع الأرض الحزينة .. كفايه غزه

تبقى هي ع الخريطة فلسطين

نبقى إحنا اللي حققنا الأمانى

إلى حين !!

وانتو خدتوا زومبه لكن فري جود

السلام الأمريكانى

أحلى حاجه فى الوجود

بالسلام مصر العبور تبقى بطولها

واللى حوالىها لا هشوا ولا نشوا

نفرد احنا قلوبنا ونسقط فحولها

بعدها ولادنا بالاقتصاد يخشوا

مصر ونسيطر من النيل للفلاانى

السلام الأمريكانى

أحلى حاجه فى الوجود

إحنا موش عايزين سلام

أهو طق حنك كلام

وانت تفرق فى الوعود

السلام الأمريكانى

أحلى حاجه فى الوجود

ابتسمي يا فلسطين ..

أغنية عشق لسليمان خاطر .. البطل .

الجرح مآد جدوره

ثابت في عصف السنين

والليل يفرض حضوره

حتى ف ماجور العجين

وآدي النجوم دبلائين

وفجأه دوى المطر

ابتسمي يا فلسطين

تحت الرصاص المطر

مصري عظيم الشان

على صدر مصر نيشان

وبت عشقه علشان

قلبه عليها انضطر
ابتسمي يا فلسطين
تحت الرصاص المطر

مصري عظيم الجراح
شاف العدا سُواح
بقى سيل رصاص و انداح
عاتي بيمحي الأثر
ابتسمي يا فلسطين
تحت الرصاص المطر

مصري و ابوه الشهيد
خايف على ابنه الوليد
من أجل بكره سعيد
هاجم فلول التتر
ابتسمي يا فلسطين
تحت الرصاص المطر

مصري معاه الحل
بيذيعه ع المشنقه
وان قالوا دا مُختل
بيقى اللي عاقل بقى
عايز وطن مُحتل
عشش عليه الخطر
ابتسمي يا فلسطين
وابتسمي يا ام البنين
تحت الرصاص المطر

أربع قصائد ما اكتملتش !!

القصيدة الأولى :

يا ليل يا عين مُسير

وبيكبر الصُغير

بس في زمن يحير

حيره بلا انبهار !

زمن ولا ألف ليله

ليه من بعد ليله

ما يفصلهم نهار !

القصيدة الثانية :

دايره بينا السواقي

باشرب أنا والا ساقى

ماشي كده والا ساقى

مغروزه ف أرض بور
حُرّ و حواليا سور
و مزاحمني الطابور
في المدرسه المسائي
واقف و روعي طالعه
جُوه كتاب المطالعه
قصايد في رثائي

القصيده الثالثه :

قادر أنا لو أعوز
الليل عفریت عجوز
و ضعيف لكن يجوز
خوفي على أكل عيشي
خلّاه في بدله جيشي
يمشيني في خيشي
و يشرب الكازوز

القصده الرابعه :

شقشق يا فجر ثاني

اشتقنا للضياء

بتجرحنا الأغاني

وكلها اشتياق

قلبي اتعصر حزين

وعيني مفتوحين

شايف حلم السنين

أخضر ضعيف وواني

شقشق يا فجر ثاني

ملحوظه لابد منها :

النيل عارف له قبله

وف ايده الصولجان

جبار والأرض حبله

بالأخضر من زمان

والدار واقف مزوق

مستني اللي معوق
بالفجر اللي مشوق
الدمع اللي سقاني
..
شعشق يا فجر تاني

افتح طريق ..

افتح طريق

لازم طريق

واحنا بإيدينا نرصفه

الحلم موشح نألفه

الحلم مطبوع في الجفون

من آخر الزمن الحنون

من آخر البشر اللي عاشوا يعطفوا

الحلم مطبوع في الجفون

لازم يكون

وعشان يكون

افتح طريق

واحنا بقلوبنا نرصفه

يا حلم رغم الضلمه عاش

القلب جاش

الطيف عبر وسط الحريق

طالب طريق

وبيوصفه

الحلم موش ح نألفه

الحلم مطبوع في الجفون

لازم يكون

و عشان ضياه ينصفنا لازم ننصفه

افتح طريق

ييجي الفرع من بعد ضيق

و بيل ريق

كل اللي قال افتح طريق

واللي بحياتهم ع الطريق بيرصفوا

الحلم موش ح نألفه

ولا الزمان بيزيفه

الحلم مطبوع في الجفون
من أول الزمن الحرون
من أول البشر اللي عاشوا بينزفوا
من أول الزمن الحنون
من أول البشر اللي عاشوا بيعطفوا
لازم يكون
و عشان يكون
عشان نكون
افتح طريق
.....
.....
افتح طريق

الأيادي ..

الأيادي ..

والعروق الحُرَّة نافرِه

لَمَّا تَبَدَّأَ فِي المَعَا فِرِه

تَلْقَى وَشِ الحِلْمِ بَادِي

فِي الأَيَادِي ..

الأيادي ..

تَفْلِحُ النَبْتَةُ الجَدِيدَةُ

تَفْتَحُ السَّكَّةَ البَعِيدَةَ

تُشْرِحُ الحَقَّ فِ جَرِيدِهِ

لِلْحَوَاضِرِ وَالبَوَادِي

الأيادي ..

الأيادي ..

تَرْتَفِعُ تَعْلَى المَبَانِي

ترتعش تعزف أغاني

تنتعش لما المعاني

كلها تغازل بلادي

الأيادي ..

الأيادي ..

تنفتح لله خالقها

تنقبض ع اللي خانقها

العدالة قبل ريقها

تقطر الشهد لولادي

الأيادي ..

الأيادي .. الأيادي

والعروق الحرة نافر

لما تبدأ في المعافرة

يبتسم بكره ينادي

للأيادي ..

البكاء على كتف أكتوبر 82

(1)

لما يعود أكتوبر المقدره
يخضّر الذاكره
أنشد لكم مواويل ..
وانا كنت حالف ما اغني والدماء بتسيل
لكن داء الغنا للشعب طبعه سئيل
أمرني أغني لكم ..
" أكتوبر المقدره "

(2)

أما يعود أكتوبر المقدره ..
المقدره بالعلم .. بالإنسان ..
المقدره بالمصري .. ابن النيل ..
اللي ف سطور الزمان ..

(قبلن يسمي الزمان ..
و يوحدوا العنوان ..
و يقوّموا التماثيل ..)
المصري .. ابن النيل
شق ف صخور الزمان ..
مجرى الحضاره سبيل
لم يقصّده عطشان ..
و المصري شد الحبال
فرد قلوّعه .. و جال
يسقي بكفه البليل
المشتاقين بالودان
العطشانين اللسان
حضاره كالسلسبيل
(حضاره بالإنسان)
أمل .. عطاء .. و أمان ..
فوق الرمال مناديل ..
.....

المصري ابن النيل
روى الجهات كلها
كل الجهاد قبلها
في الأرض
كان ياما كان
جدع اللي يقدر يعيش
"خد من جيرانك نصيبهم
سهمك ضروري يصيبهم
عشان انت ما تنتهيش .."
.....

المصري قبله مافيش ..
شعراء على الجدران
قالوا و صَحَّ القول :
"جدع اللي عاش إنسان"
.....

المصري قبله مافيش ..
يا علما في التنبيش

عاشق بسيف و ميزان
و ف كفه قمح و ريح
المصري قبله مافيش
شعرا و قلم و بيان
ثاير على الطغيان
" شكوى مصري فصيح "

.....

و انا بعد مليون جيل
راضع بناتك با صبح
يا مصر يا ام النيل
المصري قبله مافيش
إنسان و صبح القول
شاف ع الطيور الريش
قعد غزل ع النول
و فرد على العريان
في كل آن و مكان

.....

المصري قبله مافيش
يا فرقة التشويش
إنسان غزل ع النول
إنسان " غزل وحنان "
إنسان غزل يا زمان
أكتوبر المقدره

(3)

لما يعود أكتوبر المقدره
بفرحه مستبشره
نغني يا مناضلين :
" أكتوبر اللي انتصر على يونيه من كام عام
لما لسينا عبر :. لما عبر م الشام ..
أكتوبر اللي انتصر على يونيه ست سنين
قبل اكتمال البدن بالصحه و التسنين
أكتوبر اللي انتصر بعبايه حطيني
معقوله يقدر عليه يونيه فلسطيني !! .. "

.....

أنا شفت يونيه حزين

ناشب في هذا العام

ناشر جثث وآلام

في معسكر اللاجئين

.....

في مخيم اللاجئين

بعدن رحيل الرجال

عينيه سمعت أنين

رجلين ١١

إيدين ١١

وعيال ١١

متبعترين في الطين

رجلين ١١

إيدين ١١

وعيال ١١

كانوا غنوة استبسال

والحنجره فلسطين

.....

يا قسوة الملاعين

في مخيم اللاجئين

.....

في مخيم اللاجئين

يبكي التاريخ عمره

حزنان على أمره

يضحك "شارون" اللعين

.....

في مخيم اللاجئين

صرخ التاريخ أواه

و "بيجن" الهاجنه

دايس برجله الجنين

.....

في مخيم اللاجئين

أشلاء على أشلاء

وكلها بتشتاق

لستّه أكتوبر

(أكتوبر المقدره)

وانا قلبي ساب الضلوع

وانساب في وسط الجموع

ودموع عيوني غمام

في معسكر اللاجئين

لأن يونيه الحزين

ناشب في هذا العام

لحد أكتوبر

(أكتوبر المقدره)

(4)

لما يعود أكتوبر المقدره

يزين القاهره

تعكس مرايتي لوجهي وجه ثاني جميل

أشوف صفار الحمام و ما اخافشي ع الزغاليل

ما أخافشي ولا يرتعد قلبي ورا ضلوعي

أنسى مرارة الملح ف دموعي

(واحنا ف زمان الغدر و العدوان

واحنا ف زمان الخنوع بتزينه الألوان

احنا ف زمان فيه الدولار رهوان

وابو قلب إسود أشجع الفرسان

احنا ف زمان خوان

الرأسمال بيضجر الأمهات

بالمدفعيه و يسرق الأولاد

الصارخين وسط العفن و الرماد

لجلن يكونوا القنبلة المقبلة

العارفه سكتها إلى الأحضان

القنبلة الغادره

اللي تطيح بالأهل و الخلان)

.....

لما يعود أكتبو المقدره

اقدر أشوف الجمال في وداعة الزغاليل

مرايتي تعكس لي وشي مبتسم و جميل
واشوف في أرض العرب
أبراج في حضن النخيل
والنيل في شمس الأصيل
بيشع نوره الأصيل
ماشي ولايقه عليه الرقه والغنديره
ماشي و دراعه ف إيد أكتوبر المقدره
يفرح فؤادي العليل

(5)

أنا كنت حالف ما اغني و الدما بتسيل
لكن داء الغنا غالب و طبعه سئيل
أمرني اغني لكم
أغني للقادرين :
"أحيي شعبك يا مصر اللي بنى أكتوبر

واحبي جيشك يا مصر في شهره أكتوبر
وانشد نشيد عزنا في سته أكتوبر
أكتوبر المقدره .. أكتوبر النصره
خبيت في عيني الصور .. وفي الفؤاد حسره
وسؤال بصوت الشهيد خايف من العشره
يونيه . في هذا العام . في اللعبه كان بصره ١١
إن كان صحيح بصره يرجع له أكتوبر
(أكتوبر المقدره)

أغنية الأميره الحزينه ..

كان .. يا ما كان

شاطر حبيبي

وله حصان

وسيف يلمع

وسط الميدان

يبعد حرسهم

والديدبان

يهد إيده

يفتح ببيان

أرميله شعري

يطلع لفوق

يقيد شموعي

ونطفي شوق

و ليلنا يطرح
ورد وريحان
كان .. ياما كان

كان .. ياما كان
وفجأه عليت
بيننا السدود
شاطر حبيبي
خدوه الجنود
بعثوه يجيبي
كبد الأسود
و عشان طاوعهم
تاه في المكان
كان .. ياما كان

كان .. ياما كان
شاطر حبيبي

لو خدني منهم
كان قلبي يقوى
ونعدي بينهم
والقطن يطرح
نور في الغيطان
ولا كانش يصرخ
دمع الحنان
والعين تجود
ابكي يا عود
نوح يا كمان
قولوا كمان
كان .. ياما كان
كان .. ياما كان
شاطر حبيبي
وله حصان

وسيف بيلمع
وسط الميدان
يبعد حرسهم
والديدبان
يمد إيده
يفتح بيان))

الدم على المداخن ..

زعابيب

زعابيب .. زعابيب .. زعابيب

أبوزعبل و العمال

والدم الهم حليب

رغوته أصدق موال

ح يقص حكاية الديب

زعابيب

موش ح نسلّم .. ح نثور

ح نقيد في المصنع نور

يفتح على سينا السور

لنهار يطلع ما يغيب

زعابيب

الدم ما ييقاش ميه

يا إدينا انقضّي عفيه
واضربي وهاتي لنا الدية
للدّم .. الدّم حبيب
زعابيب
الدّم السائل قائل
أنا إيدي بتعلّى و طائل
الصهيوني المتخايل
وف إيدي دمار و لهيب
زعابيب
يوم ما نحرر أراضينا
الشهدا ح تفرح بينا
وح نبكيهم و عنينا
على جيل ما يشوفش الديب
زعابيب
يا ادين تبتّي ع المدفع
الدّم ضريبه و با دفع
والفجر الطالع يشفع

للدّم يصب صبيب

....

الفجر الطالع يشفع

لقلوب حرّه بتتمزع

و تقول على ضرب المصنع

ونزيفها المرّ نحيب

زعابيب ..

زعابيب ..

زعابيب .. زعابيب .. زعابيب

أبوزعبل والعمال

والدم الهمّ حليب

رغوته أصدق موال

يحكيلنا حكاية الديب

الليل ايدين .. ايدين !!

الليل ايدين ايدين
مغميه العينين
عطشان لضي قمره
فين هي .. هي فين
والليل ايدين ايدين

القمره عيونك انتي
يا رحلتي و سفينتي
لوفي المتاهه بنتي
أعرف ح اوصل لفين
والليل ايدين ايدين

أنا جاي من بعيد

والشوق عنيد عنيد
وانتي يا حبيبتي ايد
عارفه ح تاخدني فين
والليل ايدين ايدين

ماشي والخطوه غول
يفرد دربي يطول
سكه ما فيهاش وصول
ما اعرفشي رايحه فين
والليل ايدين ايدين

زيحي الايدين تعالي
يتحقق حلم غالي
أشوف اللي قبالي
واعرف إزاي وفين
والليل ايدين ايدين

في قلبي رنّ عودك

غَنَى وَ صَدَّقَ وَعُودَكَ
مَتَأَكَّدَ مِنْ وَجُودَكَ
لَكِنْ مَا اعْرِفُشْ فِينِ
وَاللَّيْلِ اَيَدِينِ اَيَدِينِ

الليلى اَيَدِينِ اَيَدِينِ
اَيَدِينِ .. اَيَدِينِ .. اَيَدِينِ
مَغْمِيه الْعَنِينِ
اَيَدِينِ .. اَيَدِينِ .. اَيَدِينِ
عَطْشَانِ لُضِي قَمَرِهِ
اَيَدِينِ .. اَيَدِينِ .. اَيَدِينِ
فِينِ هِيَّ .. هِيَّ فِينِ
اَيَدِينِ .. اَيَدِينِ .. اَيَدِينِ
فِينِ هِيَّ .. هِيَّ فِينِ
اَيَدِينِ .. اَيَدِينِ .. اَيَدِينِ
اَيَدِينِ .. اَيَدِينِ .. اَيَدِينِ
مَغْمِيه الْعَنِينِ

شوقي الأمير..

"يسكنُ الوحشُ للوثوبِ من الـ"
أسرُ فكيف الخلائقُ العقلاءُ ؟"

لما نعت رب الإنشاد
بكرم شدا من حنجرتي
وطلّ منها فؤاد حداد
بعشقه يشحن لي قدارتي
فلأُمير موش لسطارتي
سقفوا يا ولاد

شوقي الأمير بورق و اقلام
و صباع إذا غرسه ف خدّه
يخلق لنا ف دنيا الأحلام

عسل الكلام

مين بقى قدّه

هو الأمير

شوقي اللي كان في حلاوة الصوت

أكبر كتير من فعل الموت

عاش و ليه في الناس ملكوت

لو بعد الشوط

نخطب وده

أصله الأمير

غنى الأمير زهر الأكوان

فتّح على لسانه الولهان

غنى الأمير غنى الإنسان

ونزل رضوان

يسكن عنده

جنب الأمير

يا مصر لو رُحِتَ الجَنَّةُ
أشتاق لَنيلك وَاَتَمَنَى
أدوق على خُدودِه الحَنَّةُ
وتسند حيلنا
رضعة نهدُّه
قال الأمير

النيل نجاشي .. و ما نجاشي
من ديب بيعوي ف أحواشي
شلت الهرم على أوناشي
والكون ناشي
لسه ف مهدُّه
قال الأمير

مين اللي قوَى علينا الغير
دخلوا " شاتيل " دبخوا الطير
وهتوا جامع فيها ودير
واتمنع السير

شيء فاق حده

يبكي الأمير

للغاصبين إن يوم لانوا

قلوب حجاره وبيبانوا

كده زي بيجن واعوانه

في طغيانه

قُطعت يده

صرخ الأمير

يا جاره نازفه في الوادي

كنت النسيم وبتتهادي

والحسن كان من أورادي

وف إنشادي

ناحت قدّه

أنا الأمير

ويا مصرفات خمسين عام
ودنشواي قايمه الإعدام
بيروت على الربى ألف سلام
ذهبت أيام
بأنسك الغالي وعهده
عشق الأمير

شوقي أمير الشعر الآن
موش بس زمان
بلبل ونايح ع الأغصان
بلبل حيران
باكي ف لبنان
يا للاً نعا هده
عاهدوا الأمير

كوبري الجامعه

كوبري الجامعه يوذي الجامعه
والا يوذي يا بوي على فين؟
كوبري الجامعه يجيب م الجامعه
أغلى شباب و عقول و ايدين

أحلى شباب على كوبري الجامعه

كوبري الجامعه يقول للجامعه :

مدّي الخطوه و قيدي النور

الحريه ما تعرف سور

موش وطني عبد المأمور

الوطني اللي يقيد الشمعه

دائماً عدّي كوبري الجامعه

قالت الجامعة : يا كوبري الجامعة
شمعتي عاليه بكلمة " طه "
" التعليم كالهوا والماء "
شمعة طه ما حد طفاها
أقوى من الهوا والأهواء
دائماً عاليه .. دائماً والعه

طايله السما على كوبري الجامعة

قالت الجامعة : يا كوبري الجامعة
صوت الجامعة قال ح نحارب
صوتنا أكبر من عمر النصر
صوت الجامعة كان القارب
غلي بالثوره عدت مصر
مسحت في عيون موسى الدمعه
عدت من على كوبري الجامعة

قالت الجامعة : يا كوبري الجامعة

صوت الجامعة صوت الغد
ملك الناس .. موش ملك لحد

دائماً حق و دائماً وعد
بيطبطب أو يرعد رعد
أنا قُبْتُي أعلى من القلعه

لكن الأزهر لأ .. ماهو جامعه

كوبري الجامعة قال للجامعة
علي المنبر وازعقي ثاني
يا ما مطالب .. يا ما أمانني
يا ما أصوات عاليه ووجعاني
الأصوات دي " كاني و ماني "
عايزه مناقشه عايزه مناجزه
إيه الرأي يا عمنا حمزه ؟
رأيي تبارز ثاني الجامعة

كوبري الجامعه يوذي الجيزه ؟
لأ .. للحلم في فتره وجيزه
كل ولادنا علينا عزيزه

النقراشي فتح الكوبري
قام شعبنا بنى كوبري الجامعه

هامش للقصيده :

يا كوبري الجامعه التعلب فات
بسفاره غايظه الألوفات
افتحوا يا اولادنا ملفات
الصهيوني حقير السمعه

ارفعوا صوتكم بالهتافات
المطلوب يا بلدنا يا سامعه
يرحل من فوق كوبرى الجامعه

مظاهرة في ربوع الوطن ..

ما بين عيار و عيار
تتوحش الأسوار
يتكتفوا الأحرار
و الطير بيتفزع
والضلمه بتوزع
على كل جفن ستار
ما بين عيار و عيار

امتى النزيف يتلم
غالي علينا الدم
والوحش موش مهتم
ما يهمه غير كرسي
ترسي كما ترسي

لو في مواني الهم
أم النزيف مدرار
ما بين عيار و عيار

تعبتنا احنا
يا داكن السحنة
محنه ورا محنه
سحنا ف بلاد الناس
والمجرم الخناس
كاتم مراوحنا
لما الشباب انهار
ما بين عيار و عيار

يا مصر يا ام التاريخ
لو الدموع أنهار
والقسوه غول جبار
والكلمه طاخ طوخ طيخ

لا الليل يُخنق نهار
ولا الهرم ينهار
ولا الأمل بيشيخ
ما بين عيار و عيار

قال "النديم" : الدين
للواحد الخلاق
أما الوطن يا بنين
فلكافة الأبناء
مسيحي أو مسلم
الفرقه شيء مؤلم
في دربها المظلم
يتسلل الأعداء
وينفخون الداء
وننقسم نصين
وتقيد في مصر النار
ما بين عيار و عيار

لا بد نتحاور
نقعد و نتشاور
على جرحنا نشاور
البق يلقى رغيـف
والحق ينصر شريف
وان اسمه ايه ناور
احنا ايدينا كتار
تهدم لنا أسوار
تزرعنا بالأخضر
خير البلد يحضر
ولا نعود نحتار
ما بين عيار و عيار

يا مصر يا ام الولاد
لا فساد ولا إرهاب
تفتح عقولنا الباب
بكل شوق و عناد

للكلمه والأنوار
حوار يا مصر حوار
ما بين عقول و عقول
يتحقق المأمول
يتفتح النوار
وننادي قوم يا فساد
ويا ديكتاتوريه
ويا رأسماليه
ويا فتنه طائفية
وكلكم يختار
ما بين عيار و عيار

يا مركبه ..

يا مركبه .. يا مركبه
القلب بين ناسه وحيد
وحبيبي عن حضني بعيد
ما اطولش شيء لو امد ايد
وتزيد دموع متعذبه
يا مركبه ...

سافر لأرض الجرشينات
ليلنا جعد والوجت مات
اللُجمه ع تجول فينه راح
والدار نسي طعم البراح
واجفه حيطانه مأتبه
يا مركبه ...

الْوَدِّ نَامَ صُورَتَهُ فِ عَيْنِيهِ
الْوَدِّ جَامَ سَائِلَ عَلَيْهِ
عَ الْحَيْطَةِ يَكْتُبُ بَوِيَا فِينِ
يَا شَوْجَ وَمَجْطُوعَ الْإِيدِينَ

الشَّيْبَ مَلَا شَعُورَ الصَّبَا
يَا مَرْكَبَهُ

فِينِ صَوْتَهُ يَا جَلِيْبِي الشَّجِي
مَا يَشْبَهَاشَ الْبُوسْطَجِي
يَجْرَا الْكَلَامَ غَيْرَ الْكَلَامِ
حَلَالُ دَا عَادَ وَالْأَحْرَامِ
الدُّنْيَا مَا شِيَهَ مَشْجَلِبِهِ
يَا مَرْكَبَهُ

مِينِ جَالُ لَهُ بَنْحَبِ الْحَرِيرِ
وَالْتُّلُ فُوجِ سَجْفِ السَّرِيرِ

مين جال له عاشجين التعب
الجله واحشها الشنب
والليل عجاريه مدديه
يا مركبه

يا يجول لي ناوي على الرجوع
يا تفردني لدارنا الجلوع
دمعي يسيل في النيل يفيض
ويجرب الشط البعيد
وتجيد شمسنا الغاريه
يا مركبه

يا مركبه يا مركبه
الجلب بين ناسه وحيد
وحبيبي عن حضني بعيد
ما اطولش شيء لو امد ايد
وتزيد دموع متعذبه يا مركبه

واحد ميدان المراقبه !!

سبعين سنه للآن ..
أمجاد .. و حلم .. و مغالبه ..
شيخ حاره .. و العنوان ..
واحد ميدان المراقبه ..

يا واسع المنظور
دا برج و آلا ناطور
سامع على سقفه
دقة قلوب البشر
موت الأديب .. حتفه
بُغده و قرب النظر
....
و نجيب في بعده قريب

نجيب في قربه غريب

غريب بلا غربه

شايلى على اكتافه

تعب السنين قربه

عفريته في العلبه

واللي فتح شافه

رضوا الكراسي هوا

في قهوة الأدباء

علشان ح نقعد سوا

نتبادل الأهواء

القهوه مضبوطه ..

والبنت جايه فوق نغم خلخال ..

خلخالها له رنه

وف خدها مشنه

رمان على قوطه

الضحكه زغروطه

و عينيها وسع الآهه في الموال ..
على الجبين كتب الأسى أقوال ..
نقش الزمن أهوال ..

اسمك يا حلوه ..

مصر

كنا في ساعة عصر ..
الشمس طالعه والغروب ع البال ..
البنت وقفت والقلوب زلزال ..
ونجيب يزغوط في فؤاده حنين :
شفتوا البنيّه ..
فوق جبينها هلال ..
..

الخلق ليه بتبص في الضناجين ٩ ١١ ..
هلالها موش تنوه في فنجالى ..
موش حلم أقوالى ..

هلا لها عالي .. في اتساع الجبين ..

....

هلا لها للحفارين ..

....

السنبلة في الجدر مستقبل ..

يا اللي بتعشق في الغيطان السنايل ..

واعدتني في القهوه نتقابل ..

علشان أشوفك بشر .. أكتبها في الجرانين ..

يا حضنك الداي ..

يا أم اللين صاي ..

معجون في أوصاي

دايب في أعطاي

ملك الغريب غربال

رعي الغريب منخل

خبطت قلتي : ادخل

راح الكسوف ف الحال ..

يقابلها في القهوه ..

و تقابله في الجرانين

يضحك يقول :

أهوى

تضحك تقول :

غاويين

يا طفل في السبعين

استني في الجرانين

الوأواه والقول

ف الحضن لك تهنين

يا عجوز في غزل النول

طب هنني وهني

أنا وانت ح نغني

العطف والنبابيت

في الحاره .. والأتنين
أقوى من العصاريت
من ليل سداد الدين

خلي التكيه عنين
متحاوطه بالأسوار
ما دام في ايدي ايدين
راح نقطف الجمار

يا بو خزنه سوده محوشه المنظور
الاسم نضاره و الفعل فعل ناطور ..

الرف شال القصص
ضرب الجرس للحصص
وفتحنا ميت كراس
اتجمعوا الحراس
والخوف نشب أوتاد

مين اللي جات يا ولاد ؟

إحسان شحاته هنا ١١

مدهوشه بالباشوات

مدهوسه بالباشوات

دي حصه والا آهات ١٩

والا صريخ جرائين ١٩

....

في القاهره تعابين

يا طير لقي عشه

لا خبز رخيص العيش

وأكلك وشه

لا جلن تفور و تعيش

ويكون غموسنا حنين

يا مطرب الحرافيش

سبعين سنه للآن
أمجاد .. و حلم .. و مغالبه ..
و لسته في العنوان ..
واحد ميدان المراقبه
" و اسمه نجيب محفوظ
اسمه نجيب محفوظ .. "

يوم البياض ..

يوم البياض نزعوا الصور م المحيط
حسيت كاني صوره منزوعه .. و ما حسيت
لقيتني باتكور في وضع جنيني ١١١ ..
و باتولد في دنيا ضلمه و ضياع ..
من غير هدم .. و لا لزوم .. و لا بيت ..
المهجه زي السُرّه مقطوعه ..
(شجره بلا أوراق في الصحرا ملطوعه ..)
مسامير في زندي .. و في كعابي .. و في جبيني ..
كان المطر بيرخ ألوان زيت ..
(و ملامحي بتضيّعها سكينه و علب معاجين ..)
زي الوليد جوه ضلوعي بكيت ..
حاولت أتدحرج إلى جدوري ..
الأرض كانت رمله و حجاره .. و تاج من شوك ..

و جدوري عشب اخضر لكنه هالوك ..
و كل ما بسمعه ياعواء طويل .. يا أنين ..
القبر كان متغطي بالجرانين ..
(قرئت على الشاهد بعيني البليه ..
أخبار جديده بأحمر المانشيت ..
قلت : الزمان بياده قاسيه .. ثقيله ..
خطوتها دفنت كل ما أنشيت ..)
الوقت عدّى و فات ساعتى بمسافه طويله ..
حسيت باني ح اموت خلاص م العطش ..
ضحكت لي صباره بوجه حزين
وقفت على حيلي ..
(كآني اترميت !!) ..
قلت : اضحكي .. بس احنا بني آدمين ..
في الضلمه خطيت ما لقيت لي سبيل ..
الدمع كان عرقى .. و كان مرقى ..
(الدمع كان عطشى .. و كان نعشى ..)
وكان ويلي .. وويل الويل ..

الوحش كان بيدبَ في ضلوعي ..
(يهرس بجوعي نبض قلبي العليل ..)
الذكريات شقت ضلوعي و طارت ..
سجنت مكانها في الحنايا حريق ..
فين جدي لأمي بعمته الوضاءه .. ذات البريق
والشال على اكتافه بيقطر نور ؟ ..
جدي لابويا بحبته و طربوشه ..
وأمان عينيه اللي الزمان ما يحوشه ..
و ضحكته ع السطح ساعة الأصيل ؟ ..
ناديت : يابويا .. تعالى و خبيني ورا ضهرك ..
ناديت لأمي في صوره لونها بُني غميق ..
صُغيره في مدرستها " السنيه " ..
ع الكتف شايله الخوف و همّ الضفاير ..
وايديها في حجرها .. بتعد أسامينا ..
(و فجأه شق الظلام سكين من النور الجميل ..
و لقتني وسط الحبايب و الشجر أخضر)) ..
و في كل عين فرحه ما تشبهش اختها)) ..)

صرخت من جوعي ليوم البشاير :
شيليني يا أمي على حجرك ..
خبيني في الحوض اللي شبّه النيل ..

ويلك .. ويلك .. يا مشتاق ..

ع الباب أنا سهران
افتح لي يا رضوان
افتح عشان فوزي
ح يدوب الأحزان

افتح لي يا رضوان
مشتاق بقالي زمان
ويا ويلي يا مشتاق
في زحمة الأشجان

افتح لي يا رضوان
نفسى أشوف " الجان "
وسط البنات الحور

بیزغزغ الألسان
كان صبح وشه أليف
ونغم بدم خفيف
يشبه ندى البسمات
لو قلت بيقسم
انا اقول بيتبسم
وتهاها النغمات

كان عوده متعود
يرقص ويتأود
ويشعل الآهات
في القلب لو نعان

افتح لي يا رضوان
يا خازن الخلان
مالموت أنا هربان
من تلتميت أراجوز
ما يبسطوش فرحان

افتح دا أبو الفوز
كان دمه زي اللوز
و غناه رفيع الشان

عطشان أنا عطشان
للبهجه و الفرفشه
و الليل وعين منعشه
أصله في هذا الآن
المغنى شارب نشا
بالع لنا خرزان
يا إما فرد سخييف
بيقول لنا تخاريف
والناس تقول له : كمان

ع الباب أنا سهران
افتح لي يا رضوان
افتح عشان فوزي
ح يدوب الأحزان

قلبي بينزف في الحصار...

بيروت .. في قلبي المجزره
والدم طرطش ع الضلوع
شدّيت حبال الحنجره
وفردت للكلمه القلوع
وخرجت أذن في الورى
و " مالطه " في كل الربوع

أدنت في " مالطه " بلاد المسلمين
أدنت في " مالطه " المسيحيين
وفي مالطه القبط ..
عُفرت في " صيدا " الجبين
وسرقت م " القدس " الحنين
ورجعت يا عبد المعين ..

بلا معين ..

من أمّه في غاية العبط

آسف .. حقيقي قلبي آسف

الجرح نازف ..

واللي بعيد . شويتين . ع القنبله

ساكت و راضي بالهوان و المهزله

سايب " شارون " واقف بيتحكم في أرواح العرب ..

لا هو بيمهل .. لا .. و لا بيهمل ..

بيدبح .. يفتصب ..

دابح رقاب .. و عينيه على رقاب للوليمه المقبله ..

في كل دار عربي غبي ..

داسوا على الأقصى .. على مسرى النبي ..

داسوا على جرح البتول

داسوا على قلب الصليب

و العربي في داره و تايه كالغريب ..

دلوقت بيدوسوا الحوامل و الأجنه والرقاب

أصرخ ولكن لا مجيب ..

لبنان كمان ح ينشفط

يا أمه في غاية العبط

يا أمة الأموال بتتحوش في ترسانة اليهود العسكرية ..

يا أمة البترول بيدفق في مواخير الدعاره الصهيونيه ..

يا أمة النيل اللي عازوا يحولوه

يا أمة الشعب اللي خرسوا وقولوه

يا خير أمه أخرجت للناس .. ولكن يا خساره

ملهيه في الفيديو .. وفي الفيديو

(اللي سايح ع النهود المرمرية ..

ع البطون الفنطزيه

ع الفخاد الأملطيه

في الشاشات المنزليه)

والحشيش والويسكي .. والأحلام بسهره عنترية ..

سهره في غاية الجساره

تتعب النسوان و لو كانت حجاره ..

فرحانين يان الحيله . ع الزوجه الذليله . قد انطلقت ..
يا أمه في غاية العبط ..

طيح يا "بيجن" في اللي غرقوا في الحشيش ..
في اللي غرقوا في الخلافات العقيمه "المبدأيه" ..
طح يا بيجن في العلن و لا تختشيش ..
و ابني دولة حلمكم وسط المواشي العبقريه ..

طح يا بيجن نحن شعب لا يفيق ..
طح يا بيجن نخوة الحريه ماتت ..
بعضنا سَمَاك "عدو" و طبّ ساكت
و البعض منّا طب ساكت أولاً ، بعدها سَمَاك الصديق ..
و اكتفينّا كلنا . لما تطيح . ياننا بنشعر بضيق ..

طح يا بيجن .. قوم لألفين مذبحه ..
كلنا المعتوه "جُحا" ..
"البعيد عن يدي كيف يوسع يديا ..

واللي في الغيب انكتب يا ابا على
والحذر كيف يمنع القدر اللي يده جامحه .. "

طيح يا بيجن يا صديق البعض بعض
الايدى تنمد لك من شان تعض ..
طيح يا بيجن والزق الأمه العظيمة ع القضا ..
التفاوض في العلن عار ..
إنما الأخيار ..
اللي قايسوا في الخفا ..
واللي قبضوا بكل يد ..

طيح يا بيجن .. كلهم خايفين يا " هتلر " ع العروش ..
كلهم خايفين يا " نيرون " ع الكرسي ..
كلهم خايفين على الكرسي الفاشوش ..
واللي داق إزاي يتوب ؟ ..
كلهم حاطين شعوبهم في النعوش ..
كلهم كانوا . و ما زالوا و سوف . ضد تسليح الشعوب ..

ضد حرية صحافتهم .. مع ملء الجيوب ..
كلهم كانوا و ما زالوا و سوف ..
أمة في غاية العبط ..
أمة في غاية العبط ..
وانا برضه عبيط و نافوخي اتخبط ..

رحت في مالطه أأدن في بلاد المسلمين
رحت في مالطه أأدن للمسيحيين ..
وأديرة القبط
عفرت في صيدا الجبيين ..
وسرقت م القدس الحنين ..
ورجعت يا عبد المعين ..
بلا معين ..
من أمة في غاية العبط
بيروت .. في قلبي المجزره ..

والدم طرطش ع الضلوع ..
شدّيت حبال الحنجره
وفردت للكلمه القلوع ..
وخرجت أذن في الورى ..
" يا أمه حي على الفلاح ..
يا أمه حي على الكفاح ..
يا أمه حي على السلاح ..
يا أمه حي على الصلاة بلا ركوع ..
الصيحه موش متأخره ..
الصيحه موش متأخره ..
الأخرس الأكتع يهوذا الناصره ..
أما المقاتل ضد طغيانهم يسوع ..
يا سعد هل تهريق دمأ
في شعب أجياد .. في حصار النبي ..
في شعب أجياد مُحَمَّد ..
في رحلة الآلام يسوع ..
في كربلاء الحسين ..

و في المغارة البتول ..

عبيط باقول :

" يا مسلمين الأرض .. يا أقباط ..

حجوا السنه دي في حصار عرفات .. "

الشجر الأجل

كل الشجر طالع وفاء إدريس
كل الشجر طالع آيات الأخرس
كل الشجر شهداء .. عروسه وعريس
طارح لنا يا برتقان متاريس
النور وراها للظلام يتمترس
كل الشجر طالع وفاء إدريس
كل الشجر طالع آيات الأخرس

كل الشجر أحمر بلون الدم
أخضر بلون أحلامنا والشهداء
وفجره أبيض لون حليب الأم
وفيه سوادح يلفع الأعداء
يرجع الغائبين .. ويحرر المحابيس

كل الشجر طالع آيات الأخرس

كل الشجر طالع وفاء إدريس

كل الشجر يقول : أنا رمضان

جوعي شديد .. عطشي مرير وشديد

لكن ضروري بعدي ييجي العيد

عشان كده أنا وقفتي بإيمان

وفروعي طارحه للولاد فوانيس

كل الشجر طالع آيات الأخرس

كل الشجر طالع وفاء إدريس

قولوا لعين الشمس ما تحماشي

لحسن غزال البر صابح ماشي

كان نفسه يمشي بطرحه .. يتأنى

لكن جري طالب ببيان الجنة

سمّعنا في الانفجار آيات " ولا تحسبن "

وطرح وروده الحمرا في الأصيص

كل الشجر طالع آيات الأخرس
كل الشجر طالع وفاء إدريس

كل الشجر طالع وفاء إدريس
كل الشجر طالع وفاء الأخرس
كل الشجر شهداء عروسه و عريس
طارح لنا يا برتقان فوانيس
النور وراها للظلام يتمترس

النجمه فوق ..

النجمه فوق
بضفيره ضوء
شدت عنيا
مديت ايديا
رفعتني ليها .. و طلتها
قالت : باحبك .. حضنتها
و فضلنا فوق
لقينا فوق
الشمس خضره
ضحكتها ناضره
والليل جنينه
دايماً ربيع
واليوم وديع

طبطب علينا
والنجمه حبي
في حضن قلبي
قالت : يا حبيك .. حضنتها
همسوا صحابها : .. يا بختها
خليكوا فوق
ومشيننا فوق
اليوم يشيلنا
والليل يجيلنا
طارح أغاني
ساعاته بينا
متلقفيننا
بكف حاني
والنجمه حبي
في حضن قلبي
قالت : يا حبيك .. حضنتها
همسوا صحابها : .. يا بختها

خلليكوا فوق
وعشنا فوق
قلبي ارتوى
شرب الهوى
نقطه وسيل
قلبي اغتسل
داب في العسل
يا ليل يا ليل
دايماً يا حبي
في حضن قلبي
قولي : باحبك .. في وقتها
تفضل حياتنا .. للمنتهى
طالعہ لفوق
طالعہ لفووووووفوق

دنشواي

دنشواي يا لون شوايا
دنشواي آهة غُنايا

أنسى و يفكرني نخلي
الدموع تقطرف داخلي
عمري ضاع ما قدرتش اخلي
م الفرح دمة أسايا
عدت الدمعه ف مناخلي
تجري في حدود دنشواي

الحمام ما طالشي قرطم
والشانق للرجال

والصبيا واقفه تلطم
خبّوا عينكم يا عيال
الاحتلال كان وشه أحمر
والسبب لطم الصبايا
يا اللي مُتُوا ف دنشواي
....

دنشواي يا لون شوايا
دنشواي آهة غنايا

يوم تلتاشر خزايني
شهر يونيه شهر شؤم
طلّ زهران من خزايني
والقضاء والبسمه لؤم
الاحتلال كان وشه أحمر
والسبب دم الضحايا
في جلايب دنشواي
....

دنشواي يا لون شوايا

دنشواي آهه غُنايا

بذرة الوطنيه زندي

تلوي ايد اللي خانوه

اللي جار " زغلول افندي "

واللي ثار " زغلول " اخوه

الاحتلال كان وشه أحمر

لونه " زغلول القضايا "

اللي يتم دنشواي

دنشواي يا لون شوايا

دنشواي آهه غُنايا

انتعاشه م البشاشه

والتاريخ كان طوع ايديك

مصطفى كامل ياباشا
لايقه ألقابهم عليك
الاحتلال كان وشه أحمر
م الخجل وانت ورايا
بتبتسم لك دنشواي
....

دنشواي يا لون شوايا
دنشواي آهة غنايا

عار علينا لو نسينا
مركز الشهدا شبين
دم زهران بل سينا
بعد ما مرت سنين

الاحتلال كان وشه أحمر
من لهيب دمة بكايا
صحوة الحريه آيه

والكتاب كان دنشواي

أنسى ويفكرني نخلي
الدموع تقطر في داخلي
عمري ضاع ما قدرتش اخلي
م الفرحة دمة أسايا
عدت الدمعه ف مناخلي
تجري في خدود دنشواي

يونيو 1981

موال في ذكرى الزعيم ..

مين اتولد م الجبل
الناقه والا النبي
الناقه .. موش صالح
وصبرها .. اللي احتمل
وضرعها مطلبي
يحلب عمل صالح
واما هلالها اكتمل
جري عقرها الغبي
اللي ما لوش صالح
بكي الفقير الأمل
ضحك غني أشعبي
له نيّه ومصالح
أما وليدها الجمل

هاجموه بسيف أجنبي
ويا ندل تتصالح

مين اتولد م الجبل
الناقه والا النبي
الناقه موش صالح
المعجزه الناقه
ح تخطي براقه
للي يطيع صالح
صالح هداه العليم
والفقرا بالتعاليم
بينوا وطن صالح

مصر عهد .. مصر دين ..
مصر عهد .. مصر دين
مصر أم المخلصين
شقشق الفجر لأملها

والندى في جبين رجالها
التاريخ حوّد و جالها
باس خدود العرقانيين

مصر عهد .. مصر دين
مصر أم المخلصين

التاريخ قال فوق جداره
مصر هي مصر .. داره
أعلى نقطه في مداره
من عهد الأقدمين

مصر عهد .. مصر دين
مصر أم المخلصين
همّه يا مصر العظيمة
الازدهار ابن العزيمه
والحياء الحره الكريمه

نعم أجر العاملين

..

مصر عهد .. مصر دين

مصر أم المخلصين

الصحارى عايزه توبها

الاخضراني يزين دروبها

والثروس دقة قلوبها

للمجاهد والأمين

مصر عهد .. مصر دين

مصر أم المخلصين

بُكره .. يا بكره بتاعنا

للهار شايلىن متاعنا

مصر حزن كبير يساعنا

حبها هادي ومعين

مصر عهد .. مصر دين
مصر أم المخلصين

مصر عهد .. مصر دين
مصر أم المخلصين
شقشق الفجر لأملها
والندى في جبين رجالها
التاريخ حود و جالها
باس خدود العرقانين

مليون سلام علشان نجيب محفوظ ..

الشفتين اشتاقوا طعم العسل
والصدر نفسه يتنقش بالفل
والليل بيدهس بالسواد الأمل
لا نور بيرعش ع الجدار ولا ظل
ولا شفنا فرحه بعد يوم العبور

القهوه في القيلولة بتغفل
الهم ميل روسنا يوم ورا يوم
قفل على المشاريب يا نوح قفل
أيام ندم فايدتها يا بني النوم
نشف العرق وقعدنا للمقدور
دخلت عزيزه بلضة اليانصيب

قالت بصوت كسلان : معانا البريمو
ضحكوا اللي قاعدين ضحكه فيها نحيب
الصبر طيب بس ربك يديمه
شاي المزاج ع النصبه قرب يفور

و نحيب في ركن القهوه بين عمودين
قاعد يراجع دفتر الأيام
في العباسيه وقشتمر والحسين
الدنيا دايره و حلمها لقدام
والليل في عزه بينهزم للنور

مد المعلم ايد ما هيش عايزه
للراديو كان قاصد يهش السكوت
سمعوا الخبر عن " نوبل " الجايزه
صحيوا البشر و اتهم لحم البيوت
وانفتحت الشبابيك لآخر دور

نسيوا الأسى والضيقه والأسعار
نسيوا "كشوف البركه" و "الريان"
دار الزمان و كأنه لَمَّا دار
رجعنا يا يوم العبور شجعان
قادرين و كاسرين العدو والسور

رقصت قلوب الخلق والزغاريت
زي الكهارب حزموا البلكون
كل الكسالى أصبحوا عفاريت
الفرحه غامرہ موش سايعها الكون
النبض عاد للعرق قام مسرور

وابن الحسين في الزفّه
حواليه البيارق لفّه
العيد سبق له الوقفه
والدنيا باصه له
حواليه البيارق نور

عدينا بيه السور
وخرجنا للمعمور
نسري في أوصاله

اللي قرا الروايات
منشوره بالترجمات
شاف للنجابه سمات
بالجايزه أوصى له

لوشفتوا إنه اتوهب
أسلوب سلاسل ذهب
كنتوا يا أهل الأدب
غليتوا في فصالة

نبض النجاح زي العنب مُغري
سوق العرب بينادي ع الغالي
أما ابتسام المجمع اللغوي

يشبه سلام النخل في العالي
شمس الأصيل كاسياه ذهب مصهور

لغة العرب عايشه انتصارها النبيل
شاذة قامتها زي حرف الألف
لغة العرب صندوق لكل جميل
افتح يا عالم .. بَصْ فيه واعترف
افتح يا عالم .. بص فيه واغترف
خلي البصر يرتد للدكتور

والنيل بفرحه عفيّه
حوّد على السكريه
بقى مَيَّتُهُ شربات

حذفت عليه من فوق
قمره في قصر الشوق
الضيّ فضيات

النيل سقى الواقفين
قالوا يا نيل على فين
يا ابوالكاسات فضه

قال من بين القصرين
قاصد مقام الحسين
أسقي وأتوضأ

واهتف مع الحرافيش
يسلم نجيب ويعيش
بكلمته الغضه
وتدوم لنا الروايات

ألفين سلام علشان نجيب محفوظ
ابن لتسعتاشر و ثورة مصر
حرية الكلمه طريق محفوظ

من غيرها ما نلحق ركاب العصر

"أولاد حارتنا" و "الثلاثيه"

والفن قال الكلمه غلابه

الفن يا اهل الفن حُريه

موش رمز بيعدي على رقابه

موش م الأدب نكتب يا ناس بالغمز

الفن كشاف اسألوا الأستاذ

أما الغموض مطلوب .. دا غير الرمز

يا "حضرة المحترم" اقرا لنا في "الشحاذ"

الفن لازم ينتصر للص

إذا كانوا حواليه الكلاب فايزين

والفن لازم يبكي لما يقص

عن "قاهره جديده" سنة ثلاثين

الفن لازم ينصف الإنسان

حتى إذا تاه في " الطريق " ضَعْفُهُ
والفن ممكن يرحم " السِّمَان "
من غير ما يقسى ع " الخريف " وصفه

بس الخلاصه التوت يعوز نبوت
الظلم ح يموت وابن آدم يعيش
" الناجي " مات وإن كنا عايزين " قوت "
نرسم طريق الثوره للحرافيش

وصل الهرم للميدان
وقفوا ثلاث اخوات
هرم ونيل ونجيب

النيل يقول : دا ابني
زي الهرم مبني
بايدين بُناها عجيب

هيّ اللي بانيه الكون
و علّمت فرعون
الري والمعمار

أما الأدب والفن
الكون واخدهم عن
مصر.. أسألوا الآثار

مليون سلام لنجيب محفوظ وأعماله
نبض الخلود مرصود فاير في أعماله
ح يعيش نجيب مليون سنه .. و نقول
الكاتب المحترم خمسين هرم .. أعماله

رباعية .. سبيل للفضفضه

(1)

دائماً بدايتي تكون من اللا شيء
ما اعرفش ليه ١١٩
مع إني متأكد باني شبه طياره ورق
لأ .. شبه إيه ١١٩
فعلاً أنا طياره أجزاءها ورق
عارف. أكيد. إنها مشدوده للأرض بوتد
و عارف ان الوتد
بيجعل الحاضر. في ثانيه. جزء من ماضي سحيق
أنا. زي ما قلت. طياره ورق
لكن ميزانها. يا صاحبي. موش مضبوط
بتروح يمين .. و تروح شمال
و تبص فوق
و بتنسى دائماً إنها
مشدوده للأرض بوتد ١١

(2)

طوب ليه با قول الكلام ده يا صديقي العزيز ؟

ما اعرفش ليه .. !!

أنا رأيي نعتبره سبيل للفضفضه

كلام بلا معنى ..

إيه رأيك انت ؟ ..

خليه كما وصفه التصور ده .. بدون اتفاق ..

سبيل للفضفضه

كلام بلا معنى ..

لكني . أكثر من جنوني لقولُه .

عندي جنون يتمنى إنك تسمعه ..

إيه ده ؟؟؟

قلنا سبيل الفضفضه ..

كلام بلا معنى ..

وأخذت رأيك في الحكايه دي .. بدون اتفاق

(3)

الدنيا مغروزة في قرن التور
فيه تور بيهدا والنبي !!
طيب ، عايزني إزاي أكون ثابت ؟
وانا على كوره شايها قرن تور هايج
ما يعرفش الهدوء
أطلب . يا سيد الكل . ما أستطيع ..
فأنا .. أردت أو امتثلت
با روح يمين .. وأروح شمال ..
وبا بص فوق
وحقيقي با نسي إني طياره ورق
مشدوده للأرض بوقد

(4)

اسمع ..
.. ح اقولك ..
الدنيا غابه

منوره و كأنها موش ضلمه
أشجارها لا مرثيه
لكن بتبعته . في الخفا . الخوف الرهيب
و بتزرعه ورا الضلوع ..
و من هنا ..
تلاقيني قاتل تحت ضغط الخوف ..
و تشوفني مُصلِح نفسي أعمل دقّه للمركب ..
و نفسي أعدل ميزاني ..
و نفسي ما اتطوحش مرعوب في الهوا ..
و نفسي ما انساش إن أنا ..
مشدود إلى الأرض بوتره ..

آخر تحذير ..

١ هيا .. هيا هيا .. هيا .. هيا

بالقدره هيا .. هيا .. هيا

المركب ماشيه بالشيله

و الشيله ست الحلوين

يا مراكبي صّحي النايمين

يتلمّوا. و يعملوا ضليله

هيا .. هيا هيا .. هيا .. هيا

ضليله تحوش الغربان

هاجمين على لولي و مرجان

ف ايديها زي الشخيله

هيا .. هيا هيا .. هيا .. هيا

ف ايديها زي الشخيله

لو تدي يهجموا طوالي
لو تطلب يهريوا في العالي
ما يبانوا في ظلام الليله
هيا .. هيا هيا .. هيا .. هيا
ما يبانوا في ظلام الليله
والليله قاعده ما بتفارق
وصباحها محتاج لشارق
والمشرق بيقول لك هيا
هيا .. هيا هيا .. هيا .. هيا
يا عطاشى شفتها قليله
و حلماتها عمرانه الليله
ياح نحلب والبركه في حركه
ياح نفضل في السكه الباركه
و نضيع السمره الحيله
هيا .. هيا هيا .. هيا .. هيا
هيا .. هيا هيا .. هيا .. هيا

المحتوى

حدوته بتتكرر ا.....	٥
عمر الزهور ا.....	٧
رمضان ابو هلال.....	١٣
تصريحات اللي هي .. في الأيام الرمضانية ..	١٩
.. الكحك و سنيته.....	٢٣
عملوا لي المدعي ا.....	٢٧
ضله في هجير الهند ا.....	٣٧
رباعيات لصالح جاهين	
عدد أيام الأسبوع الحزين.....	٤٣
بسيرم	٤٧
انت الحبيبه.....	٦٣
لمن لا يهمه الأمر.....	٦٧
من الشباك.....	٦٩
العولمه.....	٧٣
امتى الزمان ا.....	٧٥
الوقت .. وقت النديم	٧٩
ثورة مصر.....	٨٥
البلد دي.....	٨٩
أغنية الشمس في السادس من أكتوبر.....	٩٣
مختار.....	٩٩
معقوله ا.....	١٠٥

١١١	غنوة صهيونية
	ابتسمي يا فلسطين ..
١١٣	أغنية عشق لسليمان خاطر .. البطل ..
١١٧	أربع قصائد ما اكتملتش ..
١٢١	افتح طريق ..
١٢٥	الأيادي ..
١٢٧	البكاء على كتف أكتوبر 82 ..
١٣٩	أغنية الأميره الحزينه ..
١٤٣	الدم على المداخن ..
١٤٧	الليل ايدين .. ايدين ..
١٥١	شوقي الأمير ..
١٥٧	كوبري الجامعه ..
١٦١	مظاهرة في ربوع الوطن ..
١٦٧	يا مركبه ..
١٧١	واحد ميدان المراقبه ..
١٧٩	يوم البياض ..
١٨٣	ويلك .. ويلك .. يا مشتاق ..
١٨٧	قلبي بينزف في الحصار ..
١٩٥	الشجر الأجل ..
١٩٩	النجمه فوق ..
٢٠٣	دنشواي ..
٢٠٩	موال في ذكرى الزعيم ..
٢١٥	مليون سلام علشان نجيب محفوظ ..
٢٢٥	رباعية .. سبيل للفضفضه ..
٢٢٩	آخر تحذير ..

شقى من الضلمه طريق أخضر ..
قومى انهضى يا سليله الفراعين ..
وزوقى الجامعة اللى فى المنظر ..
حاضنة أمل بكره بنات وبنين ..
يا عظيمة .. يا فلاحه .. يا أم الخير ..
يا شابه فوق راس الخطر والهول ..
على طرحتك تهدا خطاوى الطير ..
مختار غازلها من الحجر ع النول ..
النيل بيجرى وعمره ما فرهد ..
وآدى الحجر صارخ بيستنهض ..
حواليه السحاب بيرتل التراتيل ..

الغلاف ... د. خالد سرور

Bibliotheca Alexandrina



1237474

